

ርእሰ ኢሳይያስ አፈወርቂ፡ ወዚር ካርጅየት የማን እንዴ ትከበተ ሀድገ ምስሉ

ርእሰ ኢሳይያስ አፈወርቂ የም 23 ማርች ወዚር ካርጅየት የማን በድር ቢን ሐመድ አልቡሰዲ፡ ዲብ ቃዕት ደንደን እንዴ ትከበተ አማሕበረ ምስሉ።

እተ መናሰበት ወዚር በድር፡ ዲብ አደቃብ ዕላቀት ክልኤ ለጀሁት ወናይ ሕበር ሀምየት እተ ቡ ናይ መንጠቀት ወዳለም ቅደይ ወተጠውራት ለረከበት ልእከት ሱልጣን የማን ሃይሰም ቢን ጣርቅ እግል ርኢስ ኢሳይያስ ሰለሙ።

ጠወሮት አሳስ ታሪክ ለቡ ዕላቃት ኤረትርየ ወምማን እግል ክልኤ ለጀሁት ለትነፍዕ ክምተ ለሸርሐ ርኢስ ኢሳይያስ፡ ዲብ ናይ መንጠቀት ወእድንየ ቅደይ ናይ ሕበር መፍሀም ወኡእየት እግል ተሀሌ ምሀም ክምቲ ሸርሐ።

ወዚር ካርጅየት የማን - በድር ቢን ሐመድ አልቡሰዲ እግል

ኤሪነ እተ ሀበየ ሐብሬ፡ ምስል ርኢስ ኢሳይያስ ለወደየ ሀድግ፡ አሳስ ታሪክ ለበን ክልኤ ለደውለት ወሸበበን ዲብ ትወቀለት ደረጀት እግል ትጠወር ወናይ መንጠቀት ቅደይ ለከሰስ ረኣይ ወተጃርብ ርኢስ ኢሳይያስ እግል ልሰማዕ ለአመመት ክም ዐለት እንዴ ሐበረ ፍገሪት ለበ ክም ዐለት አከደ።

ወዚር በድር፡ እንዴ አትሉ፡ አምን ወመስከብት ናይ እለ መንጠቀት እብ ዓመት ናይ በሐር ቀየሕ ህዬ እብ ፍንቲት እግል ልትአከድ፡ ፍንጌላ ከሰሰን ድወል መንጠቀት ጀልሳት፡ መዓወናት ወበራምጅ ሕበር እግል ለሀሌ ክም ለአትሐዜ ምስል ርኢስ ኢሳይያስ ክም ናቀሸው ሐበረ።

እተ ሀድግ ወዚር ካርጅየት አሰይድ ዑስማን ሳልሕ ሓድር ዐለ።



አሰመራ፡ እድንያይት አምዕል 'ቲቢ' እብ ደረጀት ወጠን ትዘከረት



24 ማርች እድንያይት አምዕል 'ቲቢ' ክል ሐለትን ወቅድረትን እንዴ አትመቃርሐነ አቤ 'ቲቢ' እግል ነአስርት እንቀድር እበ ትብል ሰቅራት፡ እብ ደረጀት ወጠን ዲብ ሐረት ተአዲብ ወስጅን ሰምበል ትዘከረት።

ቃእድ ከደማት ሰጅን ወተአዲብ ሰምበል ሚጀር መሓሪ ዐንደብርሃን

እተ አሰምዐየ ከሊመት፡ ምስል ውሳረት ዓፍየት እንዴ ተዓወነው፡ ዲብ ክሉ አካናት ተአዲብ ሕማም ቲቢ ለከሰስ አትፋዝየት ክም ገብእ እንዴ ሐበረ፡ እሊ ህዬ ዲብ ፈዛዐት ውቅል ዶር ክም ቀደመ ሸርሐ።

እተ ውሳረት ዓፍየት ሙዲር መራቀበት ሕማማት ዐደዮ ዶ/ር አርአየ ብርሃኔ ህዬ፡ እብ ደረጀት

ዓለም ክል አምዕል 30 አልፍ ነፈር ቲቢ ክም ትዐዴ እቶም፡ ዝያድ 3 አልፍ ህዬ ክም መይቶ እንዴ ሐበረ፡ ዲብ ዐድነ እበ ገብእ ጅህድ፡ ምን ሰነት 2014 አሰክ 2023 ምን ሐመው ዝያድ 20 አልፍ መዋጥን ለዝያድ 19 አልፍ ክም ሐየው አፍሀመ።

ወኪል እድንያይት መዝመት ዓፍየት ዶ/ር ኖንሶ ኤፍራም (Dr. NONSO EFHRAIM) እብ ጀሁቲ፡ ኤረትርየ ሕማም ቲቢ እግል ተአስርት እበ ባቲ መትሰባል ቅያስ ሐየት ሕማም 'ቲቢ' ለእድንያይ ሀደፍ ባጽሑ ክም ሀለ ሸርሐ።

ለናይ ዝክረት በራምጅ፡ ለአምዕል እበ ሸርሕ በራምጅ ወጅግረ አምር ዓም ጋምለት ዐለት።

እድንያይት አምዕል 'ቲቢ' የም ዓመት እብ ደረጀት ዓለም እግል 43ይት ኢነት ወዲብ ዐድነ እግል 28ይት ኢነት ትዘከረት።

ሰልዑ፡ ወራታት ሐርስ ረይ

እግል ልጠወር ሊክ ትቀደመት


ዲብ አቅሊም ጋሽብርክ ምዴርየት ሰልዑ፡ ዲብ ግንራራብ መሓዛት ዐንሰበ ወዘረ ለሀለ አብነት ሐርስ ረይ እንዴ ሐፈዝክ ዲብ መንፍዐት ሙጅተማዕ እግል ልውዕል ሰብ ምህነት ሐርስ ለለአሻርክ መባደራት እግል ልትነሳእ መስኡል ውሕደት ዐማር እቅትሳድ አሰይድ አቡበከር መሐመድ- አደም ትላከ።

እግል ኤሪነ እተ ሀበየ ሐብሬ፡ ለምዴርየት ዲብ እት ሰነት ዝላም ምን ረክብ ድዋራት ሰበት ተ፡ ለገብእ ወራታት ሐርስ ሕዱድ ክምቲ እንዴ ሐበረ አሰይድ አቡበከር፡ ዲብ አግዳም መሓዛት ዐንሰበ፡ ዘረ፡ ወሰልዐ እበ ገብእ ታያን፡ ዝያድ 280 ሄክታር እብ ረይ እግል ልትዐመር ለቀድር አርድ ወማይ ክም ሀለ ሰበት አከደ፡ እብ መቅደረት ሕድት ወቅያስ ብገብ ለሀለ ዐማር ጀራዲን እግል ልትጠወር በክት ክም ሀለ አፍሀመ።

መጃል ሐርስ እግል ልትደቀብ ለሰዴ አግቡይ እግል ለሀሌ፡ መድረሰት ሐረስቶት ተአነብት ክም ሀሌት እንዴ ሐበረ፡ ፍይሔ አርድ ሐርስ ከረም ዲብ 400 ሄክታር እግል ልትወቀል፡ ወዲብ አግዳም ሕሊል ዘረ እብ ሐዳም ትገብእ ለሀሌት ጀርቤ ሐርስ ረይ እግል ትደቀብ ለትጸበጠ በራምጅ ዲብ ሀደፋ እግል ልብጻሕ ቅሰም ሐርስ ወአርድ ሕሰር እግል ለሀቡ አትፋቀደ።

እት መደት ግድለ ሰላሕ ዲብ አግዳም ሕሊል ዘረ ጅሩብ ለዐለ ዐማር ረይ እንዴ ዘክረ፡ ለሐቀ ሕርየት እብ ሰበት ኢፈሀም ወሰዳይት ሰብ ምህነት ለኢትቀደመ በራምጅ እግል ልትደቀብ ሰብምህነት ሐርስ ዶርም እግል ለዓቡ አትፋቀደ።

ከበር እስትሸሃድ



ገዲም ሙናድል ኑርሐሴን መሐመድ ፈቂ (ወድ መሐመድ)፡ እት 74 ሰነት ዕምሩ ማሌ ለሀ የም 24 ማርች እብ ሕማም አስተሸሀደ።

እት ሰነት 1975 ዲብ ቅዋት ሽዑብየት ተሕሪር ኤረትርየ ለአልተሐቀ ሙናድል ኑርሐሴን ዲብ ቅሰም እትሳላት ተንዚም እንዴ ትየመመ አሰክ 1991 ዲብ ዐድ ወካርጅ ከድመ።

ሐቀ ሕርየት ህዬ፡ ሰልፍ ዲብ ውሳረት ካርጅየት፡ ሶርያ፡ ልብናን ወድወል ብዕድ እብ ደረጀት መስኡል ሸኡን ቁንልሰየት ወጃልያት እተ ክምሰልሁመ ዲብ መክተብ ርኢስ እት ቅሰም እትሳላት ዐዴ ወሸበቡ እብ መትሰባል ለከድመ ምሕርባይተ።

ዓደት ቀብሩ ህዬ የም 25 ማርች ሰር አምዕል ዲብ መቅበረት ምሕርበት አስመረ እግል ትግባእ ተ።

መክተብ ርኢስ እብ እስትሸሃድ ገዲም ሙናድል ኑርሐሴን መሐመድ ፈቂ ሐዘኑ ዲብ ሸርሐ፡ እግል ዓይለቱ ፡ ናይ ግድለ መልህያሙ ወመሻቂቱ ኤማን ወሰብር ልተም።

ከበር እስትሸሃድ

ነፈር ውሳረት ካርጅየት - ገዲም ሙናድል አሕመድ መሐመድሰዲድ ሸኡቲ፡ ዲብ የም 23 ማርች ዲብ 74 ሰነት ዕምሩ እብ ሕማም አስተሸሀደ።

እት ሰነት 1968 ዲብ ጀብሀት ተሕሪር ኤረትርየ ለአልተሐቀ ሙናድል አሕመድ ሸኡቲ፡ አሰክ ወርሕ ሰብተምበር 1969 ዲብ ራብዓይት መንጠቀት ምን ጅንዲ ዓዲ አሰክ መስኡል ሕክምነ ሶጦሉኒ እንዴ ገብእ ናድል ሐቀለ ጸንሐ፡ ምን ወርሕ ዲሰምበር 1970 ዲብ ቅዋት ሽዑብየት ተሕሪር ኤረትርየ ትሓበረ።

ሙናድል አሕመድ ሸኡቲ፡ ዲብ ጀብሀት ሽዑብየት ምን ጅንዲ ዓዲ አሰክ ቃእድ ብርጌድ እንዴ ገብእ አሰክ ሰነት 1986 ለናደሉ ምን ሰነት 1987 አሰክ 1991 ምን ናይብ መስኡል መክተብ ጀብሀት ሽዑብየት ዲብ ከሰለ ሱዳን እንዴ ገብእ ለከድመ፡ ወሐቀ ሕርየት ምን 1994 አሰክ 2001 ቁንሰል እት ጅደ፡ ምን ወርሕ ጁላይ 2003 ህዬ ዲብ ውሳረት ካርጅየት ሙዲር ዓም ቅሰም ሽኡን ቁንሰልየት እንዴ ገብእ ሸቀ።

ሙናድል ገዲም አሕመድ መሐመድሰዲድ ሸኡቲ በዐል ፈራዕ ወአር ዋልድ ተ።

ዓደት ቀብሩ ህዬ ማሌ አተሉት 25 ማርች ሰር አምዕል ዲብ መቅበረት ምሕርበት አስመረ ገብእት።

ውሳረት ካርጅየት ፡ እብ እስትሸሃድ ነፈረ ገዲም ሙናድል አሕመድ መሐመድሰዲድ ሸኡቲ ሐዘኑ ዲብ ትሸርሐ፡ እግል ዓይለቱ፡ ናይ ግድለ መልህያሙ ወመሻቂቱ ኤማን ወሰብር ለሀበኩም ትብል።



ሀድግ፡ ውዝራእ ካርጅየት ኤሪትሮፖ ወመስር እት አልቃህረ

ወዚር ካርጅየት አሰይድ ዑስማን ሳልሕ ዮም 23 ማርች ልእክት ርኢስ ኢሳይያስ አፍወርቂ ዲብ ርኢስ ጀምሁርየት መስር ዑብዱልፊታሕ አልሲሲ ኡብጽሐ።

ልእክት ርኢስ ኢሳይያስ ዲብ አደቃብ ዕላቀት ክልኤ ለጀህት ወናይ ሕበር አህምየት እተ ቡ ጋራት ለረከዘት ተ።

ርኢስ ዑብዱልፊታሕ አልሲሲ ወወዚር ዑስማን ሳልሕ እተ መናሰበት፡ ዲብ ሲያሰት፡ እቅትሳድ ወትጃረት ለህላ መዓወናት እግል ልትደቀብ ሀድግው።


እተ ልቃእ እብ ጀህት መስር ወዚር ካርጅየት ዶ/ር በድር ዓብዱልግጢ ወመስሉል አምን ወጠን ሐሰን ራሻድ፡ እብ ጀህት ኤሪትሮፖ ወዚር ካርጅየት አሰይድ

ዑስማን ሳልሕ ወመስሉል ሸኡን ተንፊዝየት ዲብ ጀምሁርየት መስር አሰይድ አምን ዑብዱልግጢ ሓድራም ዐለው።

እሊ ክእነ ዲብ እንቲ፡ ወዚር ካርጅየት አሰይድ ዑስማን ሳልሕ ዮም 22 ማርስ ዲብ አልቃህረ ምስል ወዚር ካርጅየት ጀምሁርየት መስር ዶክቶር በድር ዓብዱልግጢ አማሕበረ።

እተ እጅትማዕ፡ እብ ጀህት ኤሪትሮፖ መስሉል ሸኡን ተንፊዝየት ዲብ ጀምሁርየት መስር አሰይድ አምን ዑብዱልግጢ ሸኡክ ዐለ።

ለእጅትማዕ እት ዓብዮት ዕላቀት ወመትሰዓዳይ ክልኤ ለጅሃት፡ ክምስልሁመ እት ቀድየት በሐር ቀየህ ውበዕድ ናይ ሕበር አህምየት ለብኡቱ ቀድያት ለረከዘ ዐለ።



አስመራ፡ ጅግረ ፍጥር ወስናዐት ትትሐደር

“ፍጥር ሸባብ እግል ዐቦት ዐማር” እብ ትብል ሰቅራት እብ መዓወነት ማሕበር ወጠን ሸባብ ወደረሰ ኤሪትሮፖ ውዝራት ሐርስ ዲብ ዮም 21 ወ22 ማርስ ዲብ አስመራ ለገብእ 2ይ ዕፌ ወጅግረ ፍጥር ወስናዐት ለትወጡው ጀዋእዝ እንዴ ትህየበው እቲ ተመ።

ዲብ ማሕበር ወጠን ሸባብ

ወደረሰ ኤሪትሮፖ መስሉልት ቅስም መታብዐት አቃሊም ሄለን አሚኔ ዲብ ቀደመቱ ተቅሪር፡ ዲብ ዕፌ ወጅግረ 64 ምን አቅሊም ምግብ፡ 15 ምን አቅሊም ቅብለት በሐር ቀየሕ፡ 9 ምን አቅሊም ጋሽብርኩ፡ 8 ምን አቅሊም ዐንሰበ ወ8 ምን አቅሊም ምግብ 2 ህዩ ምን አቅሊም ግብለት በሐር ቀየሕ እብ ዓመት 106 መሸርዕ ከም ትቀደመ

ሸርሐት። ምን መሸርዕ፡ 53 ዲብ ሀንደሰት ከህረበት፡ 18 ዲብ ሀንደሰት ኬሚካል (ቀመም)፡ 27 ዲብ ሀንደሰት መካኒክ፡ 7 ዲብ ሀንደሰት ኮምፕዩተር ወ1 ዲብ ሀንደሰት መደነየት ለልትረተብ ክምቱ ተሐበረ።

እተ መናሰበት፡ እግል 10 መሸርዕ ጀዋእዝ ማል ወሸሃዳት ልትህየብ እት ሀላ፡ ክልኡት አወላይት ደረጃት ለእብጠው ዕውታም ህዩ፡ ክል ምናም ናይ 50 አልፍ ነቅፈ ሰልፈት እምበል ርቤሕ(ረፈክዐ ክም ነስኡው ትሸርሐ።

እምበል እሊ፡ እግል መሸርከት ወዶር ለቀደመው መእሰሳት ወአፍራድ ሸሃዳት ተህየበ።

ርኢስ ማሕበር ወጠን ሸባብ ወደረሰ ኤሪትሮፖ አሰይድ ሳልሕ አሕመዲን እግል መሸርከት ወለበራምጅ እግል ልትወጡ ዶር ለቀደመው ሐቀለ ሐመድ፡ ዲብ መጽእ ወክድ ለበራምጅ ናይ ፍክር ጅግረ ከም ከምክም እግል ልግባእ፡ እት ቀድየት ምልክየት ወለልትቀደም ፍጥር ሰዓይት ከም ረክብ እግል ልግባእ እግል ልትከደም ክምቱ አብርሀ።

ወዚር ሐርስ አሰይድ አረፋይኔ በርሄ ህዩ፡ አትናያት ሰብ ፍጥር ወስናዐት እግል ማሕበር ወጠን ሸባብ ወደረሰ ኤሪትሮፖ ሌጠ ለተርፍ ሰበት ኢኮን ክሉ ጅሃት ሕኩመት ወጅብህት ዶሩ እግል ልቀድም ትላከ።

ለልፋይ ወጠንያይ ዕፌ ውበድረ ምህዞ ወስናዐት “ፍጥር ሸባብ አሳሰ ተጠውር” እት ሐንቲ ለትብል ሰቅራት እት ዮም 17 ወ 18 ፌብሩዋሪ 2024 ዲብላ መርከዝ ፍጥር ወሰሰሮት ላተ “መደበር” ክም ገብእ ልትዘከር።

ማሕበር ምኤምረት ዕልም ምድር አህንደሰት መዓድን ወዕለ ወዴ



እት ወርሕ ዲሰምበር 2019 ለተአሰሰ ማሕበር ኤሪትሮፖ ምኤምረት ዕልም ምድር ወሀንደሰት ተዐዲን፡ “ መስሉልየት ለለአረፍዕ ዐቦት ዳይመት” እብ ትብል ሰቅራት ዲብ ዮም 21 ወ22 ማርስ ዲብ አስመራ ቃዕት ኮንፍረራልየት ሸቃላ ኤሪትሮፖ ገብእ።

እት ውዝራት ጣቀት ወመዓድን ሙዲር ዓም ቅስም መዓድን አሰይድ አለም ክብረኡብ እተ ቀደመየ ከሊመት፡ ማሕበር ኤሪትሮፖ ምኤምረት ዕልም ምድር ወሀንደሰት ለተአሰሰ እግሉ አግደ ሀደፍ፡ መትባዳል አምር ፡ ዐቦት ብሐሰ ወቴክርኖሎጂ፡ ወዐቦት ሰዓይት ዐቦት ጂል መሀንደሲን ወሳሕሲን ሐዲስ እብ ለአቀድር አግቡይ፡ ሰብ መቅደረት ለክምክም ክምቱ እንዴ ሐበረ፡ ማሕበር መርሐለት ለትጠልበ ዐቦት ምህነት ሌጠ እንዴ ኢገብእ፡ ኦሮት ከእብ መጃሉ እት ታያን ሓጃት ሐዲስ ለሰዴ መርከዝ ክምቱመ አፍሀመ።

እትሊ ወዕለ፡ ዲብ ወራታት ተዐዲን ወተአሲሩ ወተሐድያቱ፡ ዲብ ኤሪትሮፖ ለገብእ ወራታት ተዐዲን ወምኑ ለልትረከብ ተጃርብ፡ ተአሲር ተዐዲን ዲብ ድዋር ወመናፍዕቱ ዲብ አክዶት ዐቦት ዳይመት፡ ሓድር ወራታት ታያን መዓድን ዲብ ኤሪትሮፖ፡ እት ወራት ጠወርት ወአፍይሐት ለልትረከብ መዓድን፡ ዛህራት እርዕደይ ምድር ወመሻክሉ፡ ከደማት ማይ መዳነት ዐሰብ ወእዳረቱ፡ እት ክምስልሁመ ሐን አርድ ለህላ ማይ ውብዕድ ለረከዘየ 14 ወረቀት በሐስ እንዴ ትቀደመ ትህደገ እቲ።



እምበል እሊ፡ ዲብ ሐልፈ፡ ሓድር ወናይላ መጽእ ወክድ ቴለል መዓድን ዲብ ኤሪትሮፖ ሀድግ ሕበር ገብእ።

እት ደንገብ፡ መሸርከት - አትሳናይ ለገብእ እቲ ደስቱር ማሕበር እቲ ሐቆ ሳደቀው መመቅርሓይት ልጅነት ሐዳስ ሐረው።

እፈትርየዐጃዳሕ

ክል አርቡዕ ለትጠ'በዕ ጀሪደት

መዳሊያይ፡

- መሐመድ እድሪስ

ለይአውት ወአርተዖት

* ዘህረ ዐሊ

* ፋጥነ አድም

ተለፎን፡ 121797/201820 (258)

ፋክስ፡127749፡ ዕ.ሰ.ቡ፡ 247

ተውዝዕ ጀሪደት፡

ተለፎን፡163471-07588045

አትአመሮት፡

ተለፎን፡ 125013፡ ዕ.ሰ.ቡ፡ 1284

9^ይ ክፈል

ምን ሰጽክ ጠስር ሐክ፡ ፈጽኦት ሐቱ ዶክ

ለልኡክ ለዐለ ሕጻናይ ምን ሰኣላት እሲት ሓሉ ርቡሽ እት እንቱ፡ “ኣይወ! ሓ-----ልዩ ሽል-----ሽል ዐንጃ ሰዒድ ህቱ ማጽእ ህለ” ሐቐለ በልሱ፡ ክምሰለ ጸር ክቡድ ካሪ ለህለ ምን መቅጠኑ ምን ክብዱ ኣተንፈሲ፡ ለበሊሱ ኣዜመ እግል እሲት ሓሉ ሱሰ ሀረስ እንዴ ገብኡ፡ “ዩ-----ቡ ሱብር ሱብረተኒ፡ ኢደሐነው ወኢደሐነው፡ ኢደሐነት ኖሼቱ፡ ሕትክ ፍዳክ ትግበእ ዐንጃ ሰዒድ፡ ገሌ እብ ሰባራቱ መጽኤክም”? ለንኡሽ ሕጻን ለኢበልስ እቱ ሰኣል እቡ ትሰኣሉቱ እሲት ሓሉ፡ “ሰባ----ራቱ እምበል ሰባ-----ራቱ መጽኤን” በልስ እት ሰበት የኣመረየ ለሰባራቱ ትብለ ዘዐት፡

ብእስ ምን ዶል ለእሲቱ ለሕጻን መጽኣየ ሕልም ለመሰል ዞዖታት እት ሐንገሉ ልትደጋገም እግሉ ዐለ፡ ምነ ሰኣቡ በል ኣበለ እቶም፡ “ደሐንኪ ቱ እንቲ ለጨጭ ትብሊ ለህሌኪ”? ኣፎ ኣክል እሊ ላሊ ምድር ሌል ትብይ፤ እንዴ ቤለየ ከእግል ተኣብርህ እግሉ እብ ግሳየ ገብኦ እት ለእቱ እክፍር ለዐለ ሰፈዲ ዐርቀይ፡

ኣዜመ ለጃኔታይ እንዴ ኢበልሱ፡ እሲት ሓሉ ፈርግ ወሌለ ክልኣቱ፡ ሐክ ዐንጃ ሰዒድ ማጽእ ህለ፡ እብ ሰባራቱ ኢኮን ልብል ህለ፡ ዩቡ እምበል ሰባራቹ ገብኦኮ ኖሼቱ” ትቤ ክትረገመት ምን ሐዲሱ፡ ብእስ ሰኒ ሐቐለ ትከማከመ “ሰምዐኒ ሓልክ ሓምድ እደዩ ወእገሩ ምን መዛብዋ ልግበእ ወሕንኩሽ ደሐን ዐለ”? እንዴ ኣበየን ትሰኣልዩ፡

ለሕጻን ሱብሱብ እት እንቱ፡ “እደዩ ወእግሩ ላት ሰላም ህለ፡ በስ እብ ህዳይ ለሀድግ ዐለ ምስል ኣብዕብዩ” ቤለዮ፡ እሊ ሰድ እሊ ለምን ፈሪር ደነብር ታርፈ ለዐለ እሲት ወልዱ እግል ኣቡዬ መሕሙድ ህምድ ወዴት ወትም ደቅበት፡ ብእሳመ እግል ሐሁ ልትሳለም በደል ላሊ ህምገም እት ልብል ልትመዩ፡ ምስለ ሕጻናይ ኣሰክ ዐድ ኣብሁ ጌሰ ምስሉ ወሐሁ ትሳለመ ወለናይ ፈጅር ቀርድ ኣቡዬ መሕሙድ ምን ኣፍሁ ሰምዐዩ፡

ፈጅራተ ኣቡዬ መሕሙድ እግለ ክል ዶል እት ወቅት መናሰበት ለብስ ለግርም ለብሰቱ እንዴ ሰምደ ወትሰራው፡ ብላይ ጀገር እት ረኣሰ ሰዴሪት ጸላም እንዴ ሰምደ፡ እግል ምሮት ምን ሓሎታት ሓምድ ሰዒድ ወልዱ፡ ምን ዐድ ትሰፊት፡ ወክልኦት ውላዱ፡ ወሰለስ ምን ኢዮዮም ወፈተቹ፡ እግሎም እት መርሕ ኣሰክ ዐድ ሐሁ ሰዒድ ወድ ዕመር እግል ሓዚ እሲት ኣግወሐው፡

እለ ልብሰት እለ ክል ዶል እት መሐበር ዐድ ሐው ለጠርቅ እበ ለእግለ ፈቱ ልብሰቱ ወእበ ልትሌሌ ምንማተ፡ እለ ኣምዕል እለ ላኪን ፈያገት የዐለት እቱ

ወለውቀት ኣቡዬ መሕሙድ፡ ከብዱ ተናን እት ፈግር ምነ ሚዩይ ቱ ለዐለ፡ ጎማት ሓምድ ሰዒድ ኣዚም ምነ ወዋፈቀት እት ምን ኣሕድ ትኬለመ እቱ፡ ሓምድመ ምን ሐዉ ውላድ እሙ እድሪስ ኣድም ለዐበዩ ዐለ፡ ደኣም እድሪስ ኣድም እት ወክድ ለሀይ እት ምህር እንዴ ትፈረረ እት ሱሳይ ፈሰል ቱ ደርስ ለዐለ፡ ምስሉመ ክል ወክድ እድሪስ ኣድም ሃድእ እብ ግብኣቱ፡ እግለ ኣቡዬ መሕሙድ ቤለዩቱ እስቡርቱ ለዐለ፡ ኣክለ እብ ክሱስ ህዳይ ትሰኣለው ተ “ደሐን ኣነ ኣዜዲ ጽንሐ ምንዩ፡ ለእግለ ኣንበትነ ድራሰቹ እግለ ኣትምም ሕደጉኒ፡ ሓምድ ሰዒድ እግሉ ህደው፡ ምንዲመ እብ ትውሊደት ምንዲመ ልንእሽ እበ እግለ ገብኡ፡ ረቢ ልሕፈዙ፡ እብ ፍክሩ ልግበእ ወእብ ዕባቡቱ ህቱ ለዐበኒ፡ እሰልፍ እግሉ ህደው” ቱ ልብሎም ለዐለ፡ ላመ ዛይድ ፈተ ኣቡሆም እት ረኣሰ ሓምድ ወለ ወዓየቱ፡ ኣምሪ ሰበት ዐላቱ መሰለኒ እድሪስ ኣድም ወድ መሕሙድ፡

ኣቡዬ መሕሙድ ህዩ ለነሃር ለሀ ለፍንቲት ለብሰቱ እት ልትሰራውን፡ እብ ደሚሩ ብዞሕ ገርገር ለልብሉ ሕሳባት ዐለ፡ “የምክን ለወልዩ እግል ፋል ሰኔት ትግበእ እግሉ” እንዴ ቤለ ቱ ላብሰ ለዐለ እንዴ ኢኮን፡ ፈያገት ላቱ እት ሰነት 1998-2000 እት ዋልዳይ የዐለት ወውሉድ፡ ለክምሰል ኣበነት ወርወረ እት ምድር ወሰመ ዐድነ ኤርትራየ ውግር ለዐለት ብቐት ዊረት መካራተ ምን እንዴ ደለዩ እግል ትፍግ፡

ቅሩብ ዐድ ሰዒድ ወድ ዕመር ሐቐለ በጽሐው፡ ኣቡነ መሕሙድ እግለ ለእግሎም መርሕ ለዐለ ኣንፋር እቶም ውልብ እንዴ ቤለ ምነ እበ መጽኦ ለዐለው ገበይ ሸንክት ማን ዕግልል ወደ እግሎም፡ ከእት ትረቅቡ ግሳየት ባዋር ገመለ ትገሰ እግሎም፡ ላመ ምስሉ ገይሶ ለዐለው ጃማዐት ምነ እቱ ለሀድጎ ለዐለው ደሀይ ሐርብ ወወራር ወያኔ ኣድሕድ እንዴ ኢለኣተግንዖ፡ ትም ብህላም እት እንቶም ኣሰኩ ተዐግለለው፡

ለጡውያሁ ህዩ፡ እግል ልስምዑወ እግለ እለ ልብሎም ኣፍሁ ኣትቃመተው፡ ኣቡነ መሕሙድ እንዴ ኣትለ፡ “እት ኣነቢ ንሰለ! ወሰላቱ እቱ ነኣዚድ ወንወስክ! ሐቐለ ቤለዮም ህግያሁ እንዴ ኢሰምዖ እብ በለስ ሻፍግ ኣባደረው እቱ፡ “ዐለይሁ እት ሰላት ወእሰላም” በልሰው ቅብላቱ፡

እተ ዐገነ ሞራሁ ትንኩብ እት እንቱ ወለ ሓምድ ትመስል ቀየሕ ገኖበት እብ ህም ገም ወራር ወፈንጨጋር፡ ወሀመት ሚ ትፈግር እት ውላድክ ደብነት ባልሰት እት እንቱ፡ “ግድም ለእግለ ብጉሳም ለህሌነ ጋሪት ለዐበ ምንክም ወለነኣሽ ቃዊህ ለህለ

ብኡ ኢመሰለኒ፡ እግል ሓምድ ሰዒድ እሲት እግል ንሕዜ ኣሰክ ዐድ ሰዒድ ወድ ዕመር ብጉሳም ለህሌነ፡ ሓምድ ሰዒድ ረቢ ሐዞትነ ልውዴ እቱ እንሻኣሉ፡ ህቱ ልግበእ ወለ ምስሉ ፍሩራም ለህለው፡ ረቢ ምን ሸር ኣበነት ወርወረ ሓሰደት ግዋሬ ልንጅዮም፡ ዋልዴን እብ ሚ እግል ትጅሬቱ እት ውላጄ እት ልብል ምን ሰኣብ ላሊ ትሐረመ፡ ኣዜ ሊሊት “ደብ እግል ህዳይ ማጽእ ህሌነ፡ ወሐቐ ሳምን ኣቀብል ህሌነ፡ ሐቐለ ቤሌነ፡ ኣነ ወእሙ ሐቱ እንዴ ኢለሐግል ሸፍርነ፡ ወለ ህቱ ለሐዝዩ ለህለ ህዳይ እት እንቱ፡ እብ ረቢ ምን ተኣምኖ ሰኣብ ላሊ በዴነ፡ ረቢ ወዴነ እቱ ለወክድ እሊ ወለኢተኣሰክብ ግዋሬ እለ! እብ ረቢክም ምን ተኣምኖ ሊሊት ክለ ክትት እንዴ ይእነሰእ ወሰፍርዬ ሰፍርዬ እንዴ የኣበጽሕ ላሊ ወክደ ኣትመመት ከክባባይ ገብኣት ምንዩ ተ፡ ኣዜ ሰዒድ ወድ ዕመር እሲት ኣምራመ እግሉ ህሌነ፡ ወሀዳይ



ሸሂድ ሓምድ መሕሙድ ዑመር

ሻፍግመ እግል ንቀስቡ እቱቱ፡ ኣብ ወለት መሰምሱ ብዞሕ ቱ ወምንዩ ህዩ ኢለሐልፍ ሐቐ ነዐም ምን ኣፍሁ ፈግረት፡ ሐሬ ትዕስ እግል ኢለሐደግ እቹቱ እንዴ ኢኮን ኣናመ እብ ፈያገት ኢኮን ለኣሰኩ ብጉሰ እብክም ለህሌነ፡ ፡ ወድሐንክም” ቤለዮም ወእግል በለስ በክት እንዴ ኢለሀይዮም ፈግ እብ ቅንጽት ወደ እግሎም ኣብሀያድ ወሰርጎ መሐበር ኣቡነ መሕሙድ ወድ ዕመር፡

የሸት እት እንቶም እት ሸፍር ዐድ ሰዒድ ገእ ክምሰል ኣበለው፡ ዐድ ሰዒድመ ትፋጅኣው፡ እኪት እግል ኢልሰኣው ልብሰቶም ወፈያገቶም የኣበወ፡ ሰኔት እግል ኢልሰኣው ለወክድ ወክድ ሐርብ ሰበት ዐለ ኣዳም እብ ሚ ትፈግር እትከ ክብዱ እንዴ ሐቅፈ ለኣልፋ ሰበት ዐለ፡ ቤን እለ ወሌህ ሕኑያም እት እንቶም፡ እግል ኣዳምክ እግልሚ መጽኣኪ ሰበት ኢልትበህል፡ የም ከብቱ ጋሻሆም

ገብኣው፡ ህቶም ምሮት ወልዶም እት ምግብ ኣዋልድ ለውሉድ መሕሙድ ሰዒድ ምስል ወድ ኣብሁ ሓምድ ሰዒድ መሕሙድ እት ኣሰለሐት ክቡድ እት ጀብህት ዛልኣንበስ ዐለ፡ ሓምድ ውሓምድ ህዩ ምን ቅሩብ “ሰኒ ምዩይ ወሰኒ ወዕል” ልትበህሉ ዐለው፡

ሐቐ ኣወል ቡን ወድግም እብ ኣክባር ድፈዕ ውሓለት ሓምድ መሕሙድ፡ ኣቡዬ መሕሙድ እግለ እብ ክሱሱ ሸፍር ዐድ ሐሁ ሰዒድ ግርቃም ለዐለኣ ሓዚ እሲት እቱ ገበኣ እግሎም፡ እግለ ወለት ኣዋልዶ ለዐለት ወለቶም ሱተል ሰዒድ እግል ለሆቡ ሰኣሉ ቀደመ እት ሐሁ ሰዒድ፡ ሰዒድመ ወድ ዕመር መባልስ ሐሁ መሕሙድ ሰምዕ ሐቐለ ጸንሐ እንዴ ኣትለ፡ “እሲት ላቱ ቤዛክ ትግበእ! በዲረ ወድ ኣብህ ለሀድዮ ወእት ሓምድ ትትረቀብ ኢኮን ሱተል ወለትነ፡ ፈድል ረቢ፡ ላኪን ህዳይ ሰዒ-ሰዒ ነሰፍ ኢትረድዩ እግለ ለሀዴ ለህለ፡

ሰዒድ ወድ ዕመር፡ ኣዜመ ሰዒድ፡ እንዴ ኣትለ ህዩ፡ “ክእበ እበለ ረቢ ወዴነ እቱ ለወቅት እሊ፡ ምንክ ሕብዕት ህሌት ኣለቡ መሕሙድ ጣይ ሐክ ወምን ወልከ፡ ወቅት ዕጡጢት ለፈርድ እቱ ህቱ ትረክበ እንዴ ኢኮን ህቱ ዲ ክምሰል በዲሩ እት ዕለታይ ቤሩ ሳይር ዐለ፡ ሕነ ላኪን ለትኬለመ እትነ እምብል ኢዝንቡ እግል ወቅት ነኣረፍዐ፡

ኣቡናመ ሰዒድ ወድ ዕመር ሐቁ ወሐቅ ወለቱ ሰተል እት ረኣሰ ወቅት እት ከሪዮም ትሰምዐ፡ ለዕጡጢት ፈርደ ወቅት እንዴ ኢገብእ ኣሰደት ግዋሬ ክምሰልታመ ቃዊ የዐለ ኣቡነ ሰዒድ ወድ ዕመር፡ ላኪን ክል ዶል ሕነ ውላድ ሚን ኣደሚ እብ ኣፍዓል ክምሰሌነ ውላድ ሚን ኣደሚ እት ነኣትማርር ሐሩቀትነ እት ረኣሰ ወቅት ሰበት እንከሪየ ቱ ለቤለዩ፡

ኣቡነ መሕሙድ ወድ ዕመር ክብዱ እብ እበን እንዴ ጨቅጠዩ፡ “ግድም እንትም ዲ ሃይባምነ ህሌክም ምንዲ ገብእ ፈጅር ዐቅድነ ኣተውዱነ፡ ላመ ቐም ወለ ወቅቱ ደነብር ዋድያም እንርእዮም ህሌነ፡ ሊሊት እንዴ ዔረ (ከዮም ትህዱ እግልዬ ወፍጅር ኣሰክ ድፈዕ ኣቅብል ህሌነ ሰበት ቤሌናቱ፡ ለእተ ሙያም ሕነ ህዩ እምበል ረቢ ደለዩ ኣለቡ ሰዒድ ጣይ- ሐካቱ፡) ሓራቱ ትገርም በሎ ከድሐሮ እግሎም ወባሪት እንትምዲ፡ ናዮም እዘም ምነ ረቢ ልእዘም ምኖም፡ ኣነ ለእትባልስ ምስልክ ለህሌነ፡ እግለ ኣርወሐቹ እንዴ እቤ ዮም ወልዩ ሓምድ ሰዒድ ህዳይ ሰዒ-ሰዒ ክሉ ክሉ ወኢትፈረርኮ እቱ እግሉ፡ ፡ እብ ረቢ ምንዲ ተኣምን፡ ኣባዩ ወኣባይክ ህዳይ ለውቀት ትትፈንተዩ፡ ፡ ኣቤ! ኡፍ-ኡፍፍፍ” ቤለ ኣቡነ መሕሙድ፡ ገሌ ለከብዱ ትብሉቱ ለዐለት ህምድ እንዴ ወደ ከእብ ራሐት ምንዲ ልሸዕር፡ እግል ሐሁ ሰዒድ ክርንቱ ሕይር እት እንተ ወሽዑሩ ሰፍሉል ወእሱፍ፡ ወእብ ብህል ወልዱ ሰሩቡብ ወርቡብ እት እንቱ ኣድኖነ፡

ላመ ዕጉላም ለዐለው መሐበር ክሎም ኣሰፍ ህቱ ትገልበበዮም ክትም ቀበሊት ክምሰል ቀደም ቅሩብ ወቅት “እዩ ኣብልሱ፡ ሚ ትገብእ ህሌክ ኣብ ፋጥነ! ጽንሐነ እንዴ ኣብ መሐመድ” ልትበህሎ የዐለው፡ ትም ትም ገብኣው፡

ዋልዳይ ወውሉድ ህቱ ወትምኔቱ ወምራዱ ቀበሊት ትጋብኣው፡ ደለ እግሉ ገንሐክ ህዩ ገጹ ዕዛል ባልስ እት እንቱ ትርእዩ፡ ደሚር ቃሲ ወገጽ ቅርጡን መሌለዩ ናይለ ወክድ ለሀይ እት እንቱ ዐለ፡ ማሲ ምድር ሓምድ ቀይሕ ኣሰክለ ፈትዩ ዋልዳየ እግል ጽንበላት ወመድሐር ሰይፋ እት መርከቡ እንዴ ወደዩ ወሶሚት እት ስጋዱ ወፈከት ወትከት እት እዴ ማኑ እብ ገጽ ፋርሐ ወሕሽመት ውሉድ እግል ዋልዴን ለልኣርኤ ተለው ቤለ እት ኣቡሁ፡

መሰውር፡ አባል በረሽት

ናይ ዮም መውደዱ ሰሐፊ መሐመድ እድሪስ መሐመድ ምስል ጀማቦቱ አስክ አቅሊም ጋሽ-በርክ እንዲህ ሳፈረ፡ መአሰሰት ተዋብ ንዋይ ውብቅል ትክክልም እቲ ለህሉት መጃል እግል ትሰርግል ለአሰሰቱ ናይ ወርሽት ሽቅል ለከሰሰ፡ ምስል አሰይድ አማን ተኪኤ ገብራሂውት ነፈር 4ይ ደውረት ክድመት ወጠን ወመመቅረሓይ ሽቅል ወርሽት መአሰሰት ተዋብ ንዋይ ውብቅል አቅሊም ጋሽ-በርክ ምስሉ ሃድጋም ዐለው። ታምም ጽበጥ መቃብቶም እግል ንቅድም እግልኩም፡ ቅራኡት በኪተት።

እትላ መአሰሰት አክል አይ ሰናታት ሽቅክ ወለትቀንጽቡ አሽቃላት ሚ ለመሰልቱ?

ዲብ እሊ ሽቅል ዝያድ 12 ሰነት ዋዲ ህሌቱ። ዲብ እሊ ለሽቅ ህይ ምን ለትፈናተ መዳርስ ፈንያት ወኩልያት ለመጽአው ቶም፡ እብ ፍንቱይ ምን 28 ደውረት ክድመት ወጠን ወእንሰር እንዲ ደርሰው ለአትመመው ንትከበት ህሌ። እግል መጽአ እትነ ህይ ምስል ለዐለ እግሎም ድናሰ ወተእሂል እት ነህይብ ብቅዓም ክም ገብኦ ወዲብ ሽቅል ክም ለአይም እግል ልግብኦ ነአደርሶም ወነአትብግሶም። ለህሉ እግልነ ሰለሰ መሳንዕቱ ሐቲ ናይ ጀነራል ሚታል በህለት ናይ ሐጺን፡ አሽቃላት እሊ እግል ኩሉ መአሰሰት ለትሐዝዩ ናይ ሐርስ ወናይ መካይን እንዲ ኢተርፍ ለሽቅ ወለለአሰቲ፡ ለካልኣይ ናይ ጸራብ ሐጺን ወለ ሳልሳይ አሽቃልት ነጃረት፡ እሊ እግል መካትብ ለጉብኦ ኖሰነ ለነአዳልዩ እቡ ልትነፈሶ። ናይ ሐርስ ወናይ ነብረ መሳንዕ ለህሉ ህይ ክሉ ለልኡትሐዝዩ መራቀብት ወዶል ልትሰበር አሰነዮት እብሊ ቅሶም እሊቱ ለልትክደም።

እሊ ቅሶም ናይኩም መትመዳዱ ዲብ አይ ወአይ አካን ለህለ?

እሊ ሰልኦስ ወርሻት ለእግሉ እቤ ክሉ ዲብ እሊ አለቡቱ ለህለ። ክም ተውሳክ ዲብ ሐልሐሌ፡ ጋሕቲላይ፡ ዴለ-በርዕድ፡ ገርሰት፡ ፋንኩ፡ ዐለግድር ወከርከበት ክሉ ናይ መአሰሰት ተዋብ ንዋይ ውብቅል ለህሉ ዲብ ሐንጉቱ እሊ ዎርኩሾፕ (ወርሽት) እንዲ ገብኦ ለልኡትሐዝዩ ክድመት ረክብ። ለልትሽቅ አሽቃላት ዲብ እሊ አለቡ ክም ትሽቀ አስክ ሐልሐሌ ልትሰኣክ ወዲቡ ክም ልትሰጠም ገብኦ። ክም መሰል ናይ 1000 ረከሰ አሐ ዲብ አለቡ እንዲ ትሽቀ ክሉ ለልኡትሐዝዩ ምን ዐዋሚድ አስክ ዋናብ፡ ክሉ ክም ትሽቀ እቲ ለትበህት አካን

መሰተቅበል ለተአነጽር ተብጊሶት

ለወቲዱ አንፋር ናይ ዎርኩሾፕ ገሌ እብ ዳይም ወገሌ እግል ዶሉ ዲቡ ሰበት ህለው፡ ኩለን ለመአሰሰት ናይ ተዋብ ንዋይ ብቅል ለህሉ ዲቡ ባካት ክድመት ነህይብ።

ዲብ እሊ ብዙሕ ወዳክ ለትሐሊፈ ሽቅል ዶል ትርእዩ ሚ ተቅደር አምእኦት ትብል?

ቀደም 17 ሰነት ሰልፍ ነአሰብዬ እት ህሌነ ሐቲ ናይ ጸራብ ሐጺን ማሸን እንዲ ወዳክ አሰብዬነ፡ ህታመ ዲብ ባካት ተሰነይ። ሐቅሁ እሊ ናይ ከረ ገርሰት ወፋንት እት ለዐቤ ክም ጌሰ ወመጃል ጣቀት ክም ልትደመን ክም ገብኦ ዲብ እሊ ባካት እሊ ህይ ዐቢ ዎርኩሾፕ እግል ለህሉ እብ ደረጀት ወጠን ሰበት አትሐዘ ኖሱ ርኢስ ኢሲያስ ለፍክረት ሰበት አትበገሰዩ ወእግል እሊ ዲብ ጋሽ-በርክ ለህሉ መሻርዕ ለከድም ውርኩሾፕ እግል ተአሰብዬ ወእግል ለልትሐዜ አላት ምን ካርጅ እግል ልምጻእ በርናምጅ ፈግረ ወለ ለትሐዜ አላት እንዲ መጽአ አሰብዬት ወክድመት እት ተህይብ ተአተላላ ህሌት። በዲር ለዐለ እግል እለን ናይ በፍቶም ወዲብ ፋንኩ ለህሉ መሻርዕ አስክ አሰመረ ዓሻ ጎልጎል እንዲ ግሰክ እብ ብዙሕ ተዐብቱ ሐጺን እንዲ ተዐጸፈ መጽአ ለዐለ ሐቲ ሐጀት ሐዜክ ምንገብኦ ብዙሕ ክቡድ ዐለ። አዜ ላኪን ክምሰልሁ ኢኮን ናይ ተዋብ ንዋይ ውብቅል መአሰሰት ወዲብ አቅሊም ጋሽ-በርክ ለህሉ መአሰሰት ሐኩመት ለሳደፈ መሻክል ዲብ እሊ



አካን እንዲ መጽአው ሐል ገብኦ እሎም። ዕመማይ ህይ እሊ ዎርኩሾፕ (ወርሽት) ዲብ እሊ መንጠቀት ምን ተአሰብዬ ለበዲር አስክ አሰመረ እንዲ ግሰክ በዴ ለዐለ ማል፡ ወክድ ወተዐብ ምኑ እንዲ ዓረፍነ ለልትሐዜ እብ ካምሉ ዲብ እሊ ልትሽቅ ሰበት ህለ ገናዐት ካልቅ ህለ። እሊ ህይ ለከርበ አሰነዮት ሌጠ እንዲ ኢጉብኦ ሐዲስ ናይ ሽቅዩት ካድም ነአወቂ ህሌ።

አንፋር ናይኩም መቅደረቶም እግል ለዐቡ ለትወድዉ ጅህድ ሚ መሰል?

መቅደረት ናይ እሎም አዕዳእ ናይነ እግል ወቀሎት ብዙሕ ሽቅል ትሽቀ ወልትሽቅ ህለ። ለዲብ መጽአው እብ ዲግሪ ለትደሐረው ሰበት ቶም፡ ወክሉ መጃል እንዲ ደርሰው ሰበት መጽአው እግል ምን መዳርስ ፈንያት ለመጽአው ለልኦደርሶቡ አግቡይ ገብኦ፡ ወለቀዲሚን መውዝፊን ህይ እብ ቅርፊት፡ ዕጽፈት ወአልሐምት ሐጺን ክም ለአደርሶ ወዐባይ አላት ከአፎ እንዲ ወዳክ መካይን እስፖንዶ፡ ካሶኒ፡ እንዲ ትከረ ምን ሐዲስ ከአፎ እንዲ ወደ ልትሽቅ ለአደርሶ፡ እብሊ ህይ ለእብ ፍክር ዳርሳም ለዐለው እብ



ዐመል ክም ልትዐሎው ወደረጀቶም ክም ለዓቡ እንወዴ። እብ ደረጀት ወጠን ህይ ፍርሰት ተዕሊም ትረከበ ምንገብኦ አስክ ዐዲሃሎ እንዲ ግሰነ ተእሂል እነሰኦ። ሰበት እሊ ለምሰልነ ለህለው አዕዳእ ምንዶል እትዶል

ውዕል ህለ። ናይ 1000 መሽርዕመ እንዲ ተህዩቤን እዱልያው ህሌ። ክሉ ለልትህዩቤን መሻርዕ ምን ዐዲሃሎ እግሉ ለጉብኦ ዐፍሽ ክም ተህዩቤን እብ ለሐሰት ገበይ ነአዳልዩ ህሌ። እግል ክሉ ለልትህዩቤን መሻርዕ አላት እንዲ ትሰኣነ ለእንበጥር እቡ አግቡይ እትሊ ወክድ እሊ ኢህላኒ ካፊ ወዋውር አላት እንዲ መለክነ እንሽቅ ህሌ። አስክ እሊ ህይ ሐድ 3 አልፍ አሐ እግል ልጽበጥ ለቀድር ሻቅያም ህሌ። እት መሰተቅበል ህይ እሊ መሽርዕነ እግል ክሉ እት ወጠነ ለህሉ ሐርስ እግል ልግብኦ ለቀድር እግል ንሽቅቲ፡ እግሉ ለእንሽቅ ምኑ መምተሰካት ወደረጀት ናይ ጣቀት ረከብነ ምንገብኦ። እግልሚ ለህሉ እግልነ



አሰይድ አማኑኤል ተኪኤ

እርእዩ እት ህሌት አስክ እሊ ሳዐት እሊ ናይ ለመድ አው አቦይ ነበሮ አለቡኒ። ክሉ እድንዩ ባጽሐቱ ለህሌት ተክኖሎጂ እቡቱ እንሽቅ ለህሌ፡ እግልሚ ትብው ምንገብኦ ምን ጸግኦ አስክ ዘርኦ ክሉ እብ አብዕረት ለልትሐረስ ኢኮን እብ ትራክተራት ለልትሐረስቲ። ክም ተዐጨመ እብ ደጋጋትቱ ለልኡቲ። እሊ ህይ ካፊ ምንማ ቲ፡ እግል ንወሰኩ ለብነ ሽቅል ላኪን ህለ። ኣነ ለእብሉ ህይ ለከርበት አሰነዮት ሌጠ እንዲ ኢጉብኦ መሕረሻታት ወካምል ሽክል አላት ሐርስ ዲብ ዐድነ ኖሰነ ለነአፈሬ እቡ እግል ልትበጸሕ ክም በርናምጅ እግል ንጽበጡ ብነ እብል። አስክ እሊ ህይ እብ ጃንብ ናይነ ለትሽቀ ሽቅል ምን ሰነት 1998 ዶል እንርእዩ፡ ብዙሕ ዐውቲ ሰጃልነ ምናተ ሽቅል ሐርስ ወንዋይ ዲብ ሐቲ ደረጀት ክም በጽሐ ለበጥር እንዲ ኢጉብኦ፡ እት ዘይድ ወወሰክ ለገይሰ ሰበትቲ፡ ሕናመ መጥ-መክጥር እት ነበቤ እግል ኒግስ ወእግሉ ለልግቤ እግል ንጠውር ክም ፍክረት እንዲ ትደረስ እቡ ክም እንገይሰቲ ገብኦ ለህሉ።

ዲብ ሽቅል እት እንቲም ለሳድፍ መሻክል ወተሐዲ ሚ ህለ?

አይወ ዲብ ሽቅል ሐቅ ህሌክ ብዙሕቲ ለሳድፍ ክም መሰል ማሸን እንዲ ትሽቅ በጥረ ምንክ አው ሻፍግ እት ሳዐተ እግል ትሽቅዩ ለልኡትሐዜ ሳድፍኩ፡ ሰበት እሊ ክሉ ለትቀድር እግል ትግበኦ ብዙ። እሎም ምስልነ ለህለው ሽባባት ህይ እብ ዕምር ነአይሽ ምንመ ቶም፡ ምን ዕምርም ወኪን መሰኡልዩት ለረፍዖ ወእሊ ዲብ እሊ መንጠቀት ለህሉ ሓላት ጀው እንዲ ተሐመለው እምበል ዕርፍ ለሽቅ ሰበት ቶም፡ ለህሉ መሻክልነ እሊቱ ለእምብሉ ብዙሕ ዶል ለሳድፊን እብ ሻፍግ እግል ልትሽቅ ለልትጠላብ መሽርዕ ሰበት ሳድፍቲ እንዲኮን፡ አስክ እሊ ምን መቅደረትን ወለዐል ሽቅል ሳደፊን እግል ኒበል ይእንቀድርኒ።

እት አክር ለእብሊ ናይ ነብረ መሳንዕ (ፋብሪካታት) ናይ ሶፕራል፡ ሐሊብ፡ ፈርማጅ፡ ወሐሊብ ወነቲጀት ሐሊብ ለልኦፈርዩ ዲብ ባካት አሰመረ ለህሉ ናይ ነብረ መሳንዕ ለልትበህል፡ ክሉ እግሉ ለልትሐዜ አሽቃል እብ ተማመ ዲብ እሊ ወርሽት ናይናቲ ለልትሽቅ። ክሉ ለመሳንዕ ሐንጉቲ መአሰሰት ተዋብ ንዋይ ውብቅል ሰበት ገብኦ፡ ሰበት እሊ እሊ ወርሽት እሊ ዐቢ እህትማም እግል ልትህዩቤ ለአትሐዜ።





እብ መናሰበት ዝክረት 50 ሰነት መዋዲት መስተዕምረት፡ ሸዑብ ኤራትርፖ ዲብ ምድሩ ወሐረቱ እብ ኣንዝመት ሀይለስላሴ ወደርግ እት ረኣሱ ለጀረ ጀራይም ሰኒ ብዙሕ ቱ። ህቱ ምንገብኣ ህዩ እሊ ዲብ ክል ርክን ኤራትርፖ እት ሸዑብ ለጀራ ጀራይም እግል ኢልትረሰዕ ወምን ጂል ዲብ ጂል እግል ልትሐላለፍ እንዴ ትበህለ እብ ጀብህት ሸዑብዮት ለዳለ ክታብ ጀራይም እስትዕማር ለሸፊሕ ፋግር ዐለ። ከእግል ዮም ዐብደልቃድር ኣሕመድ እብ ሰበትለ ዲብ ኣቅርደት ለጀራት እብ “ሰንበት ጸላም” ለትትኣመር ኣምዕል ለክትበዩ ቅሰት ካልኣይ ወናይ ደንገበ ክፈለ እንቀድም እኩም።

ሕሴን ፈረጅ መሐመድዐሊ (ፈረጅ) መ እግለ ኣምዕል ጸላም ልትዘክረ።

“ለኣምዕል ለህ ሰንበት ዐባይ ሰበት ዐለት፡ ኣነ ቀደምለ ፈነ ምስል ዐቅቢት መለህዩ ዲብ ገህወት እብ ሰበትለ እተ ምዕል ለህ ሳዐት 3፡00 ኣምሱይ እብ ፍዳዩን ለትቀተለ ጃሱስ እንዳግም ዐልነ። ለጃሱስ ዲብ ጀበል ሕለ ሰበት ትቀተሉ፡ ለጦር-ሰራዊት እግል ፈናህ ሸዑብ፡ ሐሪድ ወኣንደዶት ኣብያት እብ ደዋዩሕ ቅብለት ምውዳቅ ጸሓይ ናይለ መዲነት ኣንበተወ። ዲብ ዘብጦ እብ ባካት ዐድ ሲዲ እንዴ ወደው ዲብ ቀበትለ መዲነት ኣተላለው። ዲብ ገበይ እግለ ጸንሐዮም እብ ፋሽ ከበልል ዲብ ወዱ ህዩ ለፈነ ኣሌፍ እንዴ ቤለው ኣስተብደወ። ቤት-ቤት ዲብ ለኣቱ ሬሽኖት ወበንዚን ዲብ ልክዑ ኣንደዶት ኣብያት ኣተላለው። ለፈነ ዲብ ልትኬለም ጌሰ። ዲብ ገሃዊ፡ ዲብ ሱግ፡ ዲብ ደካኪን፡ ዲብ ኣፌት ምሰግድ፡ ዲብ ስኩዶር፡ ወብዕድ ድዋራት ናይለ መዲነት ለጸንሐዮም ነፈር እብ ርሳስ ክምሰል ቀጠፍ እግል ልትክፍክፍ ኣምበተ። እግል ሰርም ህዩ እንዴ ከርድነው ዲብ ብነ እንዴ ኣጸገዐው እብ ጀረድ እት መናኩሎም ትረኣው።

“ኣነ ወዐቅቢት መለህዩ ሱድፈት ለዘብጥ ተብብ ዲብ ልብል ስድ ሰምዐናሁ ክልኢትነ ምነ ገህወት እንዴ ፈገርነ ኣስክ ኣብያትነ ትበገሰነ። ኣነ ጀህት ግብለት፡ ዐቅቢት ህዩ ጀህት ሕለት ሱዳን ጌሰ።”

ሕሴን ግረ እለ ይኣተላሉ። ለመትግቢቱ ወመስኒሁ ዐቅቢ መለህዩ ሰበት ትካየለ እሉ ክርንቱ ትሐረጠት። እንዴ ኣድኖነ ህዩ ትም ቤለ። ምን ሐዲስ ረኣሱ እንዴ ሀረስ “ዕሕ...ሕ!” ሐቀለ ቤለ ለሕካዩቱ ኣተላሉ።

“ልሰዕ ምን ወክድ ንእሽናነ እንዴ ኣንበትናቱ ምስል ለዐቤነ። ዝያደት ትልህዩ ኩረት እንፈቱ ሰበት ዐልነ። ኣስክ መንደሊታት እንገብእ እብ ዶልዶሉ እተ ልትከወን ለዐለ ሰለሰ ፍረቅ ኩረት እንዴ ኣቲነ ምስል ተልጸነ። ዐቅቢት ፈዳብ መተልህያይ ቱ ለዐለ። ምነ ገህወት ክምሰል ፈገርነ ወትፈናቱነ ዲብ ባካት ቤቱ ክምሰል ሸኣገ ትቀተሉ። ምስል ክምሰል ይዐልነ ሐምስ ደቂቀት እት ኢትገብእ ኢነት ምንዩ እግል ዲመ ትፈንተ።”

“ዐቅቢት ኣተ...” ቤለ መሕመድመ ዝክርያቱ እንዴ ቀቀሰ።

“ለሕጻን ለህይ ሰኒ እትዘክሩ። ለበዜሕ ወክድ ሕኔት እስኢን እንዴ ወደ ልተልጻ እብ ሓፊ እገሩ ኩረት እግል ሊሹት ፈቱ ሰበት ዐለ ዲመ ንትዐጀብ እብ ዐልነ። ለበዝሕ ወክድ ዕልብ 7 ኣው 11 ፍሌገዮት እንዴ ለብሳቱ ዲብ ሚዳን ልትከፊ ለዐለ። እግል ልርኣዩ ለኢመጽእ ነፈር ይዐለ መስኪናይ!”

ዲብ ቀደም ዕንታቱ ገብእ ትካየለ እሉ፡ ህቱመ ድግሙ እንዴ ኣትካረመ ትም ቤለ።

ኣቅርደት ሐቱ ምነ ምን ዘበን ሕክም እንግሊዝ ምን ትልህዩ ኩረት ለኢትፈንቴት ብዙሕ ፍረቅ ለዐለ እተ መዲነት ተ። ኣልሸባብ፡ ሂላል፡ ቢናብ ወብዕድ ስሙይ ፍረቅ ዐለ።



መሕመድ እግል ሰር ገሌ ናይለ ኣምዕል ለህ ኣረይመ ኢትረሰዐዮም።

“ዲብ ባካት ዱጋነ (ሰጅን) ቱ። ሐቱ እሲት (እሲት ወድ ኣገሽ) ዘብጥ ክምሰል ሰምዐት፡ ኣመት ናይለ ክልወት ክምሰል ጌሰው ለይኣቅበለው ክልኦት ውላደ እግል ቲዴ ምን ቤት ፈግረት። ምን ኣፌት ቤተ እንዴ ኢትረይም ላኪን እብ ዘብጥ ለበህረረው ውላደ ኣስክ ዲብ ልሰው ረኤት። ‘ፍዝኩም እግበእ ውላጂ...!’ እንዴ ትቤ እግል ትትከቦቶም ሰዴት። ሓቅፈቶም እት እንተ ህተ ወውላደ መጃሚዕ ርሳስ ትክፍከፈ እቶም። ምስል ክልኦት ውላደ ዲብ ምድር ግፍትእ ትቤ። ደጥም ክምሰል ንቀዕ ተንክረ። ለወክድ ዩሰፍ ወድ ሐሰኖ ለልትበህል ሻብ ዲብ ባካት ሰበት ዐለ ናይ ርሐ እንዴ ኢወዴ፡ ሐሩቀቱ እግል ልራቅብ ሰበት ለኢቀድረ ክልኤ እደዩ እንዴ ጨቅመ እግለ ዘብጥ እቶም ለዐለ ዐስከሪ እግል ልሕነቅ ኣስኩ ኣረበዐ። እንዴ ኢለኣዳር ኣንደቡ ዲብ ለሐራጥጥ እብ ሐሩቀት ኩብዱ ናደት ዲብ እንተ እብ ርሳስ እንዴ

ትዘበጠ ወድቀ።

“ዲሊ ይማ እንብሉ ለዐልነ ናይ ዐቅል ነቃሽ ለዐለት እሉ ሻብመ፡ እምበለ ይመ እት ልብል ግረ እሙ ጊሰት፡ እኪት ትግበእ ወሰኔት ለኢፈርግ መስኪን ሕጻንቱ ለዐለ። ዲብለ ኣምዕል ለህ ህዩ፡ ‘ይመ...!ይመ...!’ ዲብ ልብል፡ እሙ እግል ለዐሬ እት ልብል፡ ዲብለ ኣስክ ሕለት ሱዳን ለለዐዴ ጀሰር ወድቀ። እሙመ እተ ኣካን ምስሉ ግፍትእ ትቤ።

“ናይለ ዲብ ስኩዶሪ ሸቄ ለዐለ እናስመ ለለኣትፈክርቱ። ኣብ ክልኦት ኣጀኒት ቱ። ውላዱቶም ነብረ እንዴ ጸብጠው እሉ ዲብ ኣካን ሸቅሉ ልሽብው ለዐለው። ላኪን ለኣምዕል ሰንበት ሰበት ዐለት፡ ስልጣንዮት እንዴ ጸብጠው እሉ ክምሰል መጽኣው እቱ እግል ልትረይሐም እንዴ ቤለ ኣስክ ገህወት እንዴ ነስኣዮም ሐሊብ ጠልበ እሉም። ሐሊቦም እንዴ ኢለኣተሞ ላኪን ሱድፈት ዘብጥ ኣስተብደ። ለእናስ እግለ ውላዱ ምር ምቀደም ወለምር ምን ግረ እንዴ ሐዝለዮም

ኢማም መስግድ ሕለት ጀበር እንዴ ተሐከረ ክምሰል ወድቀ፡ ‘ማይ...! ማይ...! ርፍዑኒ’ ዲብ ልብል ደሙ እንዴ ኣክለሰ ሞተ።”

መሕመድ፡ መሐመድ ሸፈ ለልትበህል ናይ ዐቅል ምሽክለት ለዐለት እሉ መትሃግያይመ ትዘከረዩ።

“መሐመድሸፈ ምር ምነ ዳርሳም ጸሊም ዝዘፍ እናስቱ ለዐለ። ምን ካርጅ እንዴ ሐማቱ ዲብ ኣቅርደት ለኣቅበለ። እተ ኣምዕል ለህ ህዩ ዲብ ገህወት ምስል ሕብዳም ለዐለው ኣንፋር እንዴ ጸንሐ ለቴለል ክምሰል ሀድኣ በ’ረ ፈግረ። ክሉ ኣዳም ኣርሐቱ እግል ለኣንግፍ ኣስክ ኣብያቱ ልሰዴ እት ህለ፡ ህቱ ላኪን ዲብ መዲነት ለኣንገጌ ዐለ። ዲብ ገበዩ ምር ኣድግ እብ ርሳስ ግፍትእ ጋብእ እት እንቱ ጸንሐቱ። ዲብ ድንን እንዴ ቤለ፡ “እንተ ህዩ በዐል ሚ ዝንብ እንተ፡ ኣዳም ላተ መንዱቅ እንዴ ርፍዐ ዲብ ሰውረት ፈግረ ልትበህል። እንተ ላኪን እት ሚ እንዴ ወዐልኮቱ...” እንዴ ቤለ ላቀሰዩ።

“እብ ናይ እዳረት መኪነት እት ንትዓወን እግል ክሉ ለገናይዝ ክምሰል ርፍዐነ እግል ክፈን ለገብእ ኣቡጃዲድ (ደሙርዮት) ተሐገለት። ክሉ ደካኪን ወኣካናት ክያጠት ዱቡእ ሰብኡ ህዩ ሰርም ሞተው ወሰርም እንዴ በህረረው ሃርባም ዐለው። ሕርያን ሰበት ይዐለ፡ ኣነ ዲብ እሸቄ እቱ ለዐልት ሆቴል በርክ እንዴ ጊሰነ ዐራታት ወንጸላታት እንዴ መላጠዮን ምስል እት መካዝን ለዐለ እንዴ ወሰክነ ኣምጸኣናሁ ክእቡ ካፈንናሆም። ግረ እለ ኣባዲ ዐሊ ምነ ልትበህል በዐል ትራክተር (ባቡር) ሐፋረት እንዴ ረመቅነ ሕፍረት ዐባይ እንዴ ሐፈርነ ቀበርናሆም።”

ዲብ ዓደትለ ቀብር ለወዐለ ሕሴን መሐመድዐሊ፡ ለኣስክ ዮም ምን ዕንታቱ ለኢብዴ መለህዩ ወመትግቢቱ ዐቅቢት ዲብ ልሰራብብ፡ “ለወክድ ለህይ ዐቅቢት መለህዩ ቀበርናሁ...” ቤለ ትም ብህል ሐቀለ ጸንሐ። ኣሰይድ መሕመድ ህዩ ለኣክቡ ለጸንሐ ዝክርያቱ እንዴ ከማከመ ድግሙ ኣተላሉ።

“ዲብ ሐቱ ዐስር ምትር ለሪመ ሕፍረት እብ ዶዘር ለተሐፈረት ዴለ፡ ኣስክ 103 ለበጹሕ ገናይዝ ትቀበረ። ዲብለ ብዕድ ሕፈርመ ዲብ ክል ሕፍረት ምን 10 ለኢልውሕዶ ገናይዝ ቀበርነ። እሊ፡ ዲብ ባካት ሕለት-ሱዳን ቅብላት ሐለንጋዩ ዲብለ ህሌት መቅበረት ኣውቴት ሌጠ ለትቀበራ ቱ። ገናይዝ ናይ ብዕዳም 17 ነፈር ህዩ ዲብ መቅበረት ኪዳኔ ምህረት ትቀበረ።

ግራህ ኣምዕል ጸላም፡ ሸዑብ ኣቅርደት መብዝሐ ደለ እበ ፈግረ ገበይ ልጁእ እንዴ ካተረ ኣስክ ዐለዮ ትወክለ። መብዝሐ ህዩ ዲብ ከሰለ ኣተ። ዲብ ሰፈር እብ ጽምእ ወተዐብ ለሞተውመ ብዝሓም ዐለው። ብዝሓት ዐመሲ ዲብ ገበይ እብ መሐጽ ክምሰል ትጸበጠዩ፡ ዲብ ሐንቱ ከተክት ዕጪይ ትፈረጀዩ። ሐቱ እም (እሲት ዐሊ ፋይድ) ዲብ እብ መሐጽ ሞተት። ግራህ ፈነ ለኣተላለ ትራጃዲታት ሰኒ ብዙሕ ቱ ለዐለ።

ዲብለ ኬልም ኣምዕል፡ ዝያድ 70 ኣብያት (መረበዓት) ወዝያድ 280 ተክልብ ምስል ታምም መምተለኮቱ እብ እሳት ጨበልቢሎ ገብኡ። ዩም ኣለቡ መምተለኮት እብ ዐላክር ኣባይ ትዘመተ። ብዝሐ ናይለ እብ ርሳስ፡ ጀረድ፡ እሳት ለፈነው ኣረይ፡ ምስል ብዝሐ ናይለ ኣስክ ዐለዮ ሱዳን እት ገይሶ ዲብ ገበይ እብ ጽምእ ወሰፍረ ለሞተ እንዴ ትወሰክ ዝያድ 500 በጽሐ። ብዕዳም 80 ነፈር ህዩ መስከነው።

መዳግመት፡ መሕመድ ሓሊ (ዲብ ጁን 2002 ለገብኣት መቃበለት) ሕሴን መሐመድዐሊ (ዲብ ጁን 2002 ለገብኣት መቃበለት) ሓጅ ሚጀር መሐመድጅምዕ ዐሰማን (ጃበረ)

እብ ሽቅል ሕብር ምን ቲቢ ንትሐልሐል



ዮም ዓመት እት ዐደነ እግል 26ይት ኢነት ለትፈቀደት 24 ማርች እድንያይት ምዕል ቲቢ፡ እብ መዓወነት ውዛረት ዓፍየት ወክድመት ሰጅን ወተእዲብ ዲብ ሰምበል እብ ገብእ እሕትፋል ምስል ናይ ቃኑን ሰጅናም ትዘክረት።

እቲ መናሰበት እት ውዛረት ዓፍየት መስኡለት በርናመጅ መራቀብት ቲቢ ኔርሰ ሂወት ንጉሴ ለሕማም ሰበቡ ፍሩግ፡ ደዋሁ እመር ወእግል ልሕዬ ለቀድር ዲብ እንቱ አስክ እለ መላይን አዳም ዐለም ለአፈኔ ሀለ። እለ እግል ኢትግበእ እብ መትሰባል እንዴ ተዐንደቅ፡ ዋጅብት ክስኢት አምር ወአንዋል ወዲነ ወለክድመት እት ክሉ ለወጅቡ አብጸሕነ ምንገብእ እግል ልብዴ ለቀድር ሕማም ክምቱ አከደት። ለሰቅራት “ዐቢ! ሕማም ቲቢ እግል ነኡብዬ እንቀድ” ለትብልተ። እብ አማን ሀዬ ለአሻይሩ እንዴ አመርነ አጊድ ዲብ ሐኪም ግስነ ምንገብእ ወእብ ሐኪም ለሀይበናቱ መምሬሕ ደዋነ ነስኢን ምንገብእ፡ ዮም እብ ሀለ ክዳማት ሐዮት ምን ቲቢ ቀላል ጋብኢት ሀለዮታመ አፍሀመት።

ክድመት ሰጅን ወተእዲብ ምስል በዐል ሸርከተ ውዛረት ዓፍየት እንዴ ትሳዴት ዲብ ክሉ አብያት ሰጅን እብ ደረጃት ወጠን ለሕማም ሚ ክምቱ፡ ከአፎ ለዐዴ ወልትዳዌ መሓደራት ተሀይብ፡ ለዐይ እግል ልትከረዕ እት ነዳፈት ወተሀውየት ቅረፍ ሰጅን እብ ሕሰር ትከድም፡ ደለ መጽአው እሱራም ሐዳይሰ እቶም ተፍቲሽ ትወዴ፡ ክም አሀምየቱ አካናት ትፈንቱ፡ ዝያድ ክሉ ሀዬ እብ ዕልም ዓፍየት ተዐንድቅ ሰበት ሀሌት፡ ዮም ምን ቲቢ ልግበእ ውበዕድ ሕማማት ዐደዮ ልብነ ለተአቀሴ ሓለት ዲብል አሉብነ ዲብ ደረጃት ባጽሓም ሀሌኑ። ወእለ ደረጃት እብ ፈድል ሽቅል ሕብር ምን በጽሐናህ፡ ለጸገምነ አስክ ቲቢ ትሰርት እግል ለአተላሌ ብእቱ ትቤ።

እት ውዛረት ዓፍየት መስኡል

ፈሬዕ መራቀብት ሕማማት ዐደዮ ዶክተር አርአየ ብርሃኔ እብ እንክሩ ለሕማም አክልሚ ቁትላይ ክምቱ እት ለሐብር፡ እትለ ዐለም ዲብ ምዕል 30 አልፍ ነፈር ክም ልትረከቦ ወ3,425 ክም መይቶቡ ሀደገ። እብ ዎር እንክር ሀዬ ፈድል ምቅሩሕ ሽቅል ካፍሐት ቲቢ፡ ምን ሰነት 2000 አስክ 2023 ሐድ 79 ሚልዮን አዳም ምን ሞት እግል ልንጄ ቀዳሩ ሰእየት ለተሀይብ ክምተ ሸርሐ።

እት ኤረትርዮ ዐድነ ምን 2014 አስክ 2023 እቲ ሀለዩ ዐሰር ሰነት፡ 20,245 ነፈር ቲቢ ረክቡቶም። ምን እሎም እብ ፈድል ጅሀድ ውዛረት ዓፍየት 19,413 ለሐዩ እት ሀለው 832 ሀዬ ትወፈው። እለ ሀዬ ደረጃት ሐዮት 96 ምእታይት ባጽሕ ክም ሀለ ለለአርኡቱ፡ እለቱ እብ ጅድዮት ወመቅሬሕ ሸቄነ ምንገብእ “ዐቢ ነኡበድዮ! ለአተብሰነ ሀለህ” እት ልብል ክል ነፈር መጅተመዕ ሰሀሙ እግል

መዳፈዕት ዳወዮት ትብ’ድረ

“ምን እንዴ ሐመምከ መትሳራይ ምን ቀዳምከ መትነጃይ” ለእምር ገበይ ደሐን ምን ሕማምተ፡ እት ቲቢ ላኪን ምን ሕማም መትሳራይ ቀደም ክሉ ትትረኡ። ምን ቲቢ እግል ንትነጃ ቲቢ ለራክቡቱ አክልሕድ ምን ሕማም ክም ለሐዩ እግል ኒዴ ብነ። ለደውረት ጀራሲም ኢትብተክት ምንገብእ ከሬዕ ዐደዮለ ሕማም ክቡድ ቲ።



ቲቢ አጊድ ሐቆ አመርናህ አጊድ

ነሐዬ ምነ፡ ከእለን አሻይር ልብ ንክሬ እለን

ዝያድ ክልኤ ሳምን ለትጽኔሕ ለኢተካርም ሰዕለት ደም አው መግል ለተሓበረ እቱ አውመ ለኢተካበረ እቱ ገነሰል ተአፈግር ሐቆ ሀሌክ

መጸጸት ነሐር ዶል ልትሰመዐክ ሰውሀት ነብረ ምን ትሰእን አው ምን ተሐውን ሐዝ አምሶይ ሌጠ ለዐይረክ ሀለ ምንገብእ ገርብክ እት ለሀምር/ ሚዛንክ እት ትነቅሰ ትገይሰ ሀሌት ምንገብእ እብ ፈተር ወሰእናት ትሸዕር ዶል ተሀሌ ቲቢ ራክብትክ እግል ተሀሌ ሰበት ትቀድር መርመረ ውዴ።

ቲቢ ለኢለአትዮ ክትፈት ገርብ ኢሀሌት

ቲቢ እብ ቱበርክሎሲስ ባሲላይ ለልትባህል ባክቲርያ መጽእ፡ ለባክቲርያ ክልዶል ምስልነ ለሀላቱ። ነገር ደሐን ሐቱ ኢወዴኑ ነፍሰነ ክም ደዐፈት ላኪን ምን ምስቡ እንዴ ቀንጸ ሽብእነ ለአደሚዕ ወእቡ እንዴ አበለ እት ደም ሐቆ ልትሓበር እት ብዕድ ከፈል ገርብነ ለአደሚዕ፡ መስከቡ 80 ምእታይት እት ሽብእነቱ፡ ለ20 ምእታይት ሀዬ ምን ጭገር ረከሰነ አስክ ጭፍር እገርነ ምን ጅወ ወበረ እት ሀለ ከፈፍል ገርብ እት ትወጤት እሉ አካን እንዴ ሰክብ ለሓምም። ኢለአሰዕል ሌጠ ድኢኮን ለአሻይር ወለደወ ክሉ ሐቱቱ።

ፍንቱይ እህትማም ለወጅቦም

ገርብ ለለአድዕፍ ሕማም ለብእቶም መዋጥኒን ውዛረት ዓፍየት ፍንቱይ እህትማም እንዴ ሀበት ታብም። ክም ከረ ሰረጣን፡ ሰከራ፡ ኤች ኣይ ሺ ለብእቶም፡ እብ ሕማም ልግበእ ወነቃሰ መነት ሚዛኖም ሰኒ ለናቅሰር ወእብ ሕክምነ ሰዳየት መነት ለልትሀየቦ አጀኒት ፍንቱት መታበዕት ትገብእ እሎም። ሕማም ቲቢ ጸንሐ እቶም ምንገብእ ሀዬ አጊድ ክም ልትዳወው ትወዴ።

እብ ፍንቱይ ቲቢ ለብእቶም መርመረ ኤች ኣይ ሺ ገብእ እሎም፡ ኤች ኣይሺ ለብእቶም ሀዬ መርመረ ቲቢ ገብእ እሎም፡ እለን አድሕድ እንዴ ሰድዮ እግለ አዳም ሰኒ ወአማን ሰበት ለአድዕፋሁ።

ዐደዮ ቲቢ እግል ነኡሕድ

ጀራሲም ቲቢ ሀወ ወበርሀት ሰበት ለአበድዮ ክልዶል ቤትነ ሀወ ክም ለአትዮ ኒዴ።

ልባሰነ ወንጻፍነ ጸሓይ ነሀቡ፡ እደይነ ንሕጽብ፡ ሰዕለት ምን ብነ ማሰክ ንትነፈዕ ጥፈኢን ንድፈን፡ አጀኒትነ እት ዶሉ ንአክትብ ቅዘ ለተሀይብነ ነብረ ንሕሬ፡ ትንባክ ወሰጃይር ንሰፊዕ፡ እት እንሰዕል፡ ነሆሽ ንትሰሄ አፋነ ወአንፍነ እብ መንዲል ንገልብብ።



ዲብ አቅሊም ዐንሰበ እስላም ለህሌት መደብረት ተዋብ ደመህ አዳል፡ ዲብ እሊ ናይ ሐድ ርቦዕ ዘበን ፅምረ፡ ደማኑት ነበራት ቅዝ እግል አክዶት ዲብ ገብእ ለህሊ ጸገም ሐድ መቅደረት ወራታት ዐማር ዲብ አደቀቦት እንዴ ኢትትሐለል ትጸገም ለህሌት፡ ናይ ብሕተ መደብረት ተ። “ለትጸገመ ልትዐወት” ክምሰለ ልትበህል ህይ እግላ ሳደፊዩ ተሐድያት እብ ጸገም ወ ኢ መ ት ሐ ላ ል እንዴ ተዐዲት፡ ዮም ደማን እተ በ ደረጀት ውቅልት ህሌት። ዲብ ወጀዶት ዐዳገ እንቅቅሖ ዲብ ሀወኖት ዲብ ሰልፍ ርቱብ ለህላ ተ። መደብረት እንታጅ ሐዋን ወደወርህ አዳል፡ ምን ሰነት 2014 እንዴ አስተብዴት፡ ዲብ ከርስ ወሰክ ወራታት እንታጅ ሐሊብ ሐ እንዴ ጨምረት፡ ዲብ ሀወኖት ዐዳገ ሐሊብ መዲነት ከረን ወባካት እብ መሰል ሰነት ለልትሰሚ ዶር ቀድም ለህሌት ተ። መደብረት አዳል ናይ እንቅቅሖ ወሐሊብ ፈርያት እብ ኑዕየት ወብዝሐ ዲብ ትወቀሉት ደረጀት ለተዐድዩ እስትራተጅዮት እንዴ ኤተነት ገጽ ቀደም ተአቀምት ህሌት። ምን እሊ እንዴ አትሌነ በገ፡ እግል ዓም ወራታት ወፈርያት ናይላ መደብረት እብ ከሰሌ፡ ምሰል መመቅረታይ ሽቅል መደብረት አዳል አሰይድ ዑመር ዩሰፍ ኢብራሂም ናይላ ገብእ ፋይሐት መቃበለት ጭመም ትትቀደም፡

*** ምሰልክ እግል ንትአመር?**
ዲብ አስመራ፡ ባካት ሲነመት ዳንቴ ትወለድት ወበቤት። አቡዬ ሐምስ ውላድ ወሰሰ አዋልድ ዋልድ ተ። ክልነ ዲብ መንበረትን ወሐዳርነ ህሌት። እብ ጀሆኛ ምህር ለክሰስ አወላይ ወካልኣይ ዲብ መድረሰት ክምሰኑ፡ ምን 3ይ አሰክ 6ይ ዲብ መድረሰት እድገት፡ ምን 7ይ አሰክ 8ይ ዲብ መድረሰት ሰላም፡ ምን 9ይ አሰክ 12ይ ህይ ዲብ መድረሰት በርክ ደረሰት። ግራሁ ዲብ 3ይት ደውረት ክድመት ወጠን አሰክ ሳወ እንዴ ትከፊት ናይ ፅሰከርየት ወሰዶት ምህርዬ እንዴ አትመምኑ ደሐርኩ።

*** ንኣተላሌ ዑመር**
- ግራሁ ዲብ ዐሰብ (ከልዮማ) ወባጽፅ እንዴ ትረተብኩ ናይ ሐቲ ሰነት ዋጅብ ወጠንዬ ክምሰል አትመምኩ፡ እንዴ ትሳረሐኩ ሽቅልዬ አስተብዴት። ምናተ ዲብ ሰነት 1998 ወራር ወያኔ ሰበት ሳደፈ፡ ዲብ ዐሰብ ወሰንዐፌ ከተትት። ዲብ ሳልሳይ ወራር ሰነት 2000 ምን 9-11 ጁን ዲብ ገብእ ሐርብ ሻረክኩ። ሐቆ ሳልሳይ ወራር እትፋቅየት አትካራም ዘብዋ እንዴ ትፈረመ፡ ሐቆሃይ ሰላም ሰበት አተው፡ ክም ፖሊስ ሰበት አተው፡ ክምሰል ፖሊስ ሐቆሃይ ጃሽ ሰላም እንዴ ገብኣት ዲብ ዋዴ ባካት ዐሰብ እግል ዝያድ ሰነት ከደምኩ። ምኑ እንዴ ትቀየርኩ አስመረ መጽአኩ። ዲብ አስመረ እግል መደት ሐቲ ሰነት እንዴ ከደምኩ ሐቆሁ አሰክ ዓለ ወጋዴን ትቀየርኩ። ሐቆሁመ ዲብ ሰነት 2005/6 አሰክ ገሕቴላይ ፍግረት ወባካት ሽዕብ እንዴ ትቀየርኩ ከደምኩ። ዲብ ደንገበ 2006 አሰክ ባካት ሰገደቲ፡ ፎርቶ ሰንዐፌ እንዴ ትቀየርኩ ህይ አሰክ ሰነት 2010 ዲብ ከደምኩ። እበ



ሰነት 1975 ለትብብዩ ዲብ አስመረ ሻሬዕ በርክ ድካን ዐለ እሊ። ዲብ ሰነት 1998 ክተት እንዴ ገብእ ኣነ ምሰል ክልኣት ሐውዬ አሰክ ድፈዕ ከተት። ለምን አቶብዩ መጽአነ ለዐለ ደወርህ

ዐለ እዬ ምሰክነ ዲብ ግርበት ሰነት 2010 ምን ጃሽ ትሳረሐኩ። ሐቆ እሊ እግል እለ መደብረት ምን አቡዬ እንዴ ትሰለምኩ እግል አትመቃረሐ አስተብዴት። መዋመጦሩ ምን ሰነት 2012 አሰክ ግርበት ማርስ 2024 ነፈር ጃሽ ሽዕቢ እንዴ ገብኣት ከደምኩ። ዲብ እሊ ወክድ እሊ በዐል ጼወ ወክብ ክልኣት ሕጻን ወወለት ጋብእ ህሌት።

*** እብ ክሰብ መደብረት እንታጅ ሐዋናት አዳል ህይ ሚ ወሽርሐክ እግልነ?**
- ዝያድ ምእት ሰነት ለወደ ታሪክ ብኣተ። ዲብ ግርበት ሰነት 1920ታት ዲብ መደት እስትዕማር ዋልያን፡ እግል አቦጅ እመ (አሰይደ ፋጥነ መሐመድ ጓንጉል) ዲብ አስመረ እንቅቅሖ ወደወርህ ተኣዘቤ ዐለት። አቦጅ (አሰይደ ዘምዘም መሰ መሐመድ) ህይ እለ እንዴ ረኤን እንቅቅሖ ወደርህ እግል ተኣዘቤ አስተብዴት። አቦጅ መ'ረ ቀየሕ ዐለት። እግል አብዕብዬ (አሰይድ ኢብራሂም ሰዒድ) “ ሐቲ ዋልያን ለትመሰል እሲት ዲብ ባካት ፒያሰ ቶሪኖ እንቅቅሖ ተኣዘቤ ህሌት” ክምሰል ቤለወ፡ አመተ እግል ሊዴ አሰክ ጌሰ። ክምሰል ረኣየ ፈተየ። እግላ እንቅቅሖ እብ እግሩ ሾተዩ ምነ። (ሓዚ ሰበብቱ)። አቦጅ፡ “እንቲም መንባዩ ኢትሰቦሩ ምንዩ!” ቲለቶም። አብዕብዬ፡ “ምን ልሰበር ዐውሉ እደፈዕ!” እንዴ ቤለ እንቅቅሖ እንዴ ትዛበ እግላ ጌሰ ምነ።

*** ሐቆሁ ህይ?**
- ፅንቲ ሰበት ከረ እተ፡ ሐጸዩ ወዲብ ህዳይ ወውላድ በጽሐው። እብ ክእነ ህይ ለናይላ ደወርህ አንሰሶት ሽቅል አቡዬ እብ ሽበህ መቅደረት እብ ናይ ዐድነ ደወርህ፡ ዲብ ቤትነ አተላለዩ። አቡዬ ዲብ ሰነት 1975 ለትብብዩ ዲብ አስመረ ሻሬዕ በርክ ድካን ዐለ እሊ። ዲብ ሰነት 1998 ክተት እንዴ ገብእ ኣነ ምሰል ክልኣት ሐውዬ አሰክ ድፈዕ ከተት። ለምን አቶብዩ መጽአነ ለዐለ ደወርህ

እስትሰማር ዲብ ሐርስ 'ተዋብ ደወርህ፡ ሰብር ወፍቲ ለጠልብ መክሰባይ እስትሰማር ቱ' ዑመር ዩሰፍ

ወእንቅቅሖ ክምሰል አትካረመ ህይ ምን የመንቲ ለኣቲ ለዐለ። እተ ወክድ ለህይ እግላ ዐለ መሐገዝ ወጀዶት እንቅቅሖ እግል ልረክዝ ለዐለ እሊ ድካን እንዴ አዝበ ተዋብ ደወርህ እግል ለኣንብት ቀረረ። ዲብ ከረን ሐቆ ጸንሐ ህይ ዲብ ሰነት 2010 እብ ምሰክነ እንዴ ትሳረሐኩ ክምሰል ፈገርኩ፡ ለመደብረት እብ ታመት መሰኡልየት እንዴ ነስኣኮ ለድካን እግል እጽብዋ ሰለሚ። ክምሰል መመቅረታይ ሽቅል እንዴ ገብኣት ህይ እደይሩ ወትመቃርሐ ህሌት። * መደብረትኩም እግልሚ ቱ 'አዳል' ለትብል ሰሚት ሀብኩም? * መደብረትኩም እግልሚ ቱ 'አዳል' ለትብል ሰሚት ሀብኩም? - አቡዬቱ እለ ሰሚት እለ ለሐረ እለ። ክምሰል ናይ ሰልፍ ርሳሳት ንዓል ግድለ ሰለሕ ሽዕብ ኤረትርዩ ዲብ አድብር አዳል ለነቅመት፡ እለ መደብረትናመ ለአወላይት ናይ ሐርስ ሐርስ ሐያት እግል ትግበእ እሊ እንዴ ተምናቱ “አዳል” ለትብል ሰሚት ለአፍገረ



እተ።
*** እለ መደብረት ሚ እንዴ ጸብጠት ቱ ለትብገለት?**
- እት ናይ ዎሮ ወርሕ ፅምር ለዐለ 2,640 ሰወሲት ቱ ዲብ ሰነት 2001 ለአሰብዴናሁ። ለሰወሲት ሉህማን (Lohman) ለልትበህል ምን ጀርመን ለመጽኣ እት ገብኢ፡ ምን 'ዳብል ሃርሽሽት' ለትትበህል መደብረት ናይ አሰይደ ገንት በሽረጽኖን ለትዛቤናሁቱ ለዐለ። እንዴ ጸንሐኩ አርበዕ አልፍ ሰወሲት እንዴ ትዛቤነ አተላሌናሁ። እብሼሽ ታቱ ዲብ እምብል ህይ ዲብ እሊ ኣዚ ባጽሐ ለህሌት ደረጀት እግል ነኣብጽሐ ቀደርኩ። እለ መደብረት ዲብ እሊ ወክድ እሊ ደወርህ ቀይሐት አሰክ 15 አልፍ፡ ጸዓዲ ህይ አሰክ 18 አልፍ ደርወህ እግል ልጽብዋ መቅደረት ቡ። ዲብ እሊ እዋን እሊ ህይ፡ ዲብ እዴን 12,600 ደወርህ ቀይሐት ህለ እግልነ። ዲብ አምዕል ህይ አሰክ 10 አልፍ እንቅቅሖ ወልደ። * ምን ተጃርብከ

ሐቲ መደብረት ተዋብ ደወርህ፡ እብ ከኣፎ እግል ተእምብት በ ትብል?
- ኣካን ደወርህ አሰልፍ ምን አዳም ለነብር እቱ ባካት እንዴ ሬመት እግል ትትአሰስ በ። እግል መሰል፡ መደብረትን ዲብ መዲነት ከረን ናይ 205 ኪሎሜተር እንዴ ሬመትቱ እስላም ለህሌት። ብዕድ ሓለት ጀው ምግባይት ሐፋነት በህለት ኢሕፋን ወኢብሩድ እግል ልግበእ ልትሐረ። ዲርሆ፡ እብ ጠቢዐተ ምን ናይ አዳም ናይ ክልኤ ሰለስ ዲግሪ ሰንትግረይድ ዝያደት ሐፋነት ለቡ ገብኣ ምንገብኢ፡ ብለዕ ወሲቶ ተኣትካርም። እብ እስትርክ አው ጀልጠት ህይ ትመይት። እብ ቃብል እሊ፡ ለኣካን ብርድት እግል ትግበእ ህይ በራድ (humidity) ሰበት ክልቅ፡ ሐርሖ እብ ሽፋግቱ ለዩብሰ። እብሊ ህይ ምሰል ዲርሆ እንቅቅሖ እግል ትውለድ



እክ እብ ሰር ሚዛንዮት አስተብዳይ ልትሐረ። ክሉ ለህሊ እግልክ ማል፡ ደወርህ እግል ትተውብ እግል ልክፌ ኢቀድር። ሰበቡ እብላ መጽኣ ለኢቲልካሁ አመቱ ኢተአመረት ሕማም እግል ልእቲ እቱ ቀድር። እንዴ ሐ'መ ምን መይት፡ እብ እዴክ እብ ሃለ እግል ትትረፍ ቱ። ብዙሕ መደብረት እንታጅ ደወርህ እንዴ አስተብደዩ እግል ልደበኣ ልትጀበራመ እብ ሰብብ እሊ ቱ። እግል ኩሉ እብ ገብእ (risk) እንዴ ዳሌክ እሊቱ ለተኣቲ ዲብ።

*** ዲብ እንታጅ ደወርህ ዕዉት እግል ትግበእ ለለኣትሐዚ ብዕድ ሽእ ሚ ህለ?**

- ዝያድ ክሉ፡ ዲብ ደወርህ ለህሌ እግልክ መውሀበት፡ አህምየት ወፍቲ ምህም ቱ። ለምህነት፡ ድቁብ ጸገም ወክሃሎ ለጠልብ ቱ። ሕማም ደወርህ ምዶል ወእቦ ገበይ ለኣቲ ሰበት ኢልትአመር፡ እግል እሊ ክሉ ዲብ ወግም እንዴ ኣቲክ እግል ትእቲ እቱ ብኩ። ጅንሰ ደወርህ ሕርየትመ ምህም ቱ። እብ ተውሳክ መነት ደወርህ እብ ተማመ እብ ኑዕየት ወእብ በቃዕት ለሐሰ እግል ልግበእ ቡ። ሰበቡ እንታጅ ደወርህ አሰክ 70% ዲብ ነብራቱ ለልተንከብ። ምክር ወሐብሬ ውቁላም ሰብ መቅደረት ራቀቦት ህይ ምህም ቱ።

*** መሰከብ ደወርህ ከኣፎ እግል ልግበእ ቡ?**

- እበትቀደረት ገበይ እብ ድማኑ ወገለቡ ክሱት እግል ልግበእ ቡ። እብ ክሉ ክሱት ክምሰልቱ፡ እግላ ኣካን ክምሰል ለኣነሽፋ ሽማል እብ ክሉ እትጀህ ክምሰል ለኣቲ ወፈግር ወዴ። ለደወርህ ሽማል ጀላብ እግል ልርከብ ብነ ናይላ ደወርህ ለነብር እተ ኣካን ምን ምድር ሽበህ እግል ልትወቀል አለበት። ለብነ ሽውዩ ደሀረ ምንገብኢ፡ ሽማል ዶል መጽኣ ዱቅሪ እብ ኣንፋ እንዴ አተ፡ ምን ጨቅዋ ከሬዕ ምነ። ብዕድ፡ ዲብ መሰከብ ደወርህ ትም እንዴ ትቤ ኢልትአቲ። ምን አሳሰመ ሰሞሕ ኢኮን። ለለኣቲ ነፈርመ ፍንቲይ ናይ መእተዩ እስእን ወትምብለ እንዴ ለብሰ ወሰራይ እንዴ ወደ ዲብ መንገኣት ለህሌት ኖረት ትግበእ ወዲተርጀንት ለብእቱ ሰራይ እንዴ ኬደ እግል ልእቲ ቡ። መሰከብ ደርወህ እብ ኖረት ለትለበክ ዶል ገብእመ ለሐሳ ቱ።

ዶ/ር ዐ-መር ዐ-ሰማን



መሕበር ወጠን ሽባብ ወደረሰ እርትርዩ ምን ዮም 21 አስክ ዮም 22፡ እት መርከዝ ፍጥር ወስናዐት፡ ናይ ጅግራ ወዕፌ ሐዳይስ ምህታት ሽባብ፡ “ምህታት ሽባብ እግል መትወቃል ዓማር” ሐንቴለ ልብል ሽግር ቅዱም ዐለ። እትሊ ምን ነጻይሽ ሽባብ ምግባይት ወካልኣይት ደረጀት ምህር፡ ደረሰ ኩልያት፡ ወእት ሽቅል ፍሩራም ለህለው ሽባን ሻርኮ እት ህለው፡ እግለ ምስል ጸቢሕ ወመሲ ምድር ልርእዉ ወሰምዕዉ ለህለው ተሓድያት ገቢሎም፡ እግል ባልሖት ምህርቶም ለሰደው መስሎ።

እብ ጽበጥም ምን እንረኤ፡ እብ ኤለክትሪክ ቻርጅ እንዴ መልካት ለትትሐረክ ናይ ኤለክትሪክ መካይን፡ እብ ሐድ ጣቀት ለሽቅዩ፡ ከዋኒን፡ መጎጎታት፡ መሓፈኒ ማይ፡ አፍራም እብ ብዝሐ ቃርባም ዐለው።

እክል ለተክክብ፡ ዐሉፍ ንዋይ ለለክዳልያ መካይንመ እት ክምሰልሁ። እብ ተውሳክ እት በሐር ለትሰወግ ዐጀለት፡ ጠልገት ለኢሊሓልፍ ልብሱ፡ ማይ እብ ተብደርት እግል ግራህ ለተክሳቱ ኣለት፡ መንገፍ አብያት ሰከን ለለክትክድ መሻቀዶታት፡ ባሰካት ማይ ናይ አብያት ሰከን ዶል መልክ እሻረት ለተህይብ ኣለት፡ ሰኒን እግል ልጽናሕ ለቀድር ነበሪት ወብዕድ ለዕልብ ቅያስ ኣለቡ።

እሊ ክሉ ዶል ትርኤ እብ አማን እለ ወጠን ሰብ ብእ ትብል ወትሸንን። ገቢል እምበል መሻክሉ እግሉ እንዴ አንተብህ ሐል ለለሐዜ ዳርስ ቱ ለለክትሐዝዩ። ክም እሊ ሻብ ለረክብ ሽዑብ ህይ መትቀዳሙ ኣኪድ ቱ። እብ አማን እሊ መስሉሊን ሕኩመት፡



ፍጥር ወስናዐት እሳስ ዐማር

ለህለው ሽባብ ህይ ምሰል ክሉ ነፍያም፡ እግልሚ እት ሽቅልካ ምን ዮም እት ዮም ትትቀየር ወለትትነፊዕ እቡ መሻቀዶታት እት ጠውር ዶል ገይስ ቱ፡ ዐቦት ወራሐት ደሚር ለልትረኩቡ።

4. ሻብ ክል ዶል ለቅወት መልክ ክፋል ናይ ገቢል ቱ። እሊ ጣቀት ገቢል ላቱ ሻብ እብ ገበይ ራትዐት እግል ትትነፊዕ እቡ ወገበይ ተኣጽብጡ ሐቆ ኢቀደርኩ፡ ምን ገበይ እት ዐቦት ገቢል ተእሲር ለአመጽ። እብ ዋጅብ ክም እሊ እንርእዩ ለአስመና ትነፊዓና እቡ ምን ገብእ ህይ ተሐድያት ገቢልና ልትቃሰል፡ ሽባብ ወቅቶም እት ለኢነፊዕ አሽቃል ኢልውዐል ወፍክርም እት መስለሓት ምጅተምሪም እግል ለአውዐሉ ነፊያም። ክም እሊ ዶል ገብእ ህይ ሽባብ መፍርየት ገብእ ወምን ዴራይ አወልፍ ወብዕድ ከረያም።

5. ምስል ወቅት ወቅድረት እት ትትኣከብ ኣክለ ጌሰት፡ ሐዲስ ወምን ፍክር ምጅተመዕ በራ ለቱ ኔፍዓይ አፍካር ወተክኩሚ እግል ልምጸእ ቀድር። እሊ ህይ ምን ገቢልን እንዴ ሐልፈ እት አቅሊምን ወእድንያ አህታይ ፍገሪት ለአመጽ።

6. ክም እሊ እት አስመረ ለአስመኑ፡ ምህም ፍጥር ወምህዞ ሽባብ፡

ህይ ዐባይ ተ።

ምን እትሊ በርናምጅ ፍጥር ወስናዐት ለሽረከው ሻብ ዎር፡ ምን ከረን አቅሊም ዐንሰበ ለመጽእ ሻብ ምክኤለ ክእን ልብል። ኣነ ለበዝሐ ሽቅልዩ ምሰል ሰላሳ ሰነት ለከደምት እቱ ቱ፡ ምስል ነጃረት ወአሽቃል ሐጺን ህይ ልትጸበጥ። ዐሳረት፡ ዐባይ መስናዕ ደሀብ፡ ሐሊብ ለትምህጽ ሐፊት ወብዕድ እንዴ ጸበጥኮ ቃርብ ህሌኩ። እትሊ ናይ ዮም ዓመት ጅግረ ህይ ደጋገት ናይ እክል እንዴ ጸበጥኮ ማጽእ ህሌኩ። እት ዐቅሊም ዐንሰበ ከረን ጁጉራም ዐልነ ወሳልሳይ ፈገርኮ ዐልኮ ቤሌ።

ምስል ምኪኤሌ ምን አቅሊም ዐንሰበ ለመጽኣት ብዕደት ሻብት ህይ ኣለእ ሓሰን ቱ። እንዴ ጸብጡቱ ለመጽኣት ህይ ቦይለር(መሓፈኒ ማይ) እቡ ቱ እግል ትትጃገር ማጽኣት ለህሌት። ህተ ትብል እት መዳይን ንትነፊዕ እቡ ለህሌን ቦይለራት ሐድ አልፍ ወሰማን ምእት ዋት ቱ ለነሰእ። እሊ ህይ ብዞሕ ጣቀት ለለክበዴ። እሊ ናይ ህይ ማይ እግል ተሓፍን ሐድ ምእት ዋት ቱ ለትነሰእ። እሊ ህይ እብ ሐድ ሰቦ ምእት ደረጀት ለጣቀት እንቅስቱ ህሌኩ።

ብዕድመ እትሊ መሓፈኒት ናይ፡ ምን ጀዲድ ወእት ክል ኣካን እግል



ገቢል ክሉ መሻክሉ ወንቁሳቱ ኖሱ ክም ደብኡ ሰበት ወዴ፡ እብ ግሩሽ ብዕድ ድወል ለትትዛበዩ ዓፍሸት ወተዐብ ለኣነቅሱ። እት ወቅት ብጽዐ ክም ከረ ኮሺድ ልግባእ ወብዕድ በደል ምድር ዓብእ ወሚ እግል ንውዴቱ እት ትብል እት ጨቅጥ ተኣቱ፡ ምን ዝሕረትኩ፡ እብ ለሐዜካህ ገበይ ትሸቱ። ገቢልካ ወደሚርካ ህይ ትረይሕ።

7. ክም እሊ በርናምጅት ፍጥር ወምህዞ አዳለዮት፡ ገቢል እት እድንዩ ለህሌ፡ ተክሌሎጂ ኣጊድ ክም ልፍህሙ ወረክቡ እብ ወዴ፡ ምጅተመዕ ምስል ገባይል እድንዩ ክም ለአሳድር ወዴ።

8. ክም እሊ ፍጥር ወምህዞ ለጽበጡ በርናምጅት አዳለዮት፡ ሽባብ ገቢልና ምን ደውለትና ወበረ፡ መሻክል ወተሓድያት ገቢል እድንዩ ክም ልፍህም እብ ወዴ እት ዕሙማይ መትቀዳም እድንዩ ተረቶም ክም ለአገዱ ወዴ። ምን እሊ እንዴ ትበገሰህ ህይ፡ ፍጥር ወስናዐት ዓዳት ወለመድ ገቢል ክም ገብእ እግል ንውዴ ብኸ። ተረት ክም እሊ ለመስል በርናምጅት

ንርከቡ ለእንቀድር ዐፍሽ ንፍዕት ቱ ለህሌኩ። ክሉ ጀሃዝ ናያ ህይ እት መድብኢህ ሰበት ልትረከብ፡ ምን መደራት ለነግፊት ቱ። መረ ህይ ረኪሰት ቱ። እግል እሸቀየ ህይ ሰልኣስ ዮም ነሰኣት ምንዩ። እሊ ፍጥር ወስናዐት መረ እፈትዩ ወምስል ወቅት ህይ እግል ወጠንዩ እርትርዩ ቀደም ለለክብል ወእብ እድንዩ ለልትጃገር ሓጃት እንዴ ጸበጥኮ እግል እትጃገር እተብኔ ትብል።

ሻብ ምክኤሌ እብ ጀህቱ እት ወስክ፡ ወድ አዳም ምን ክልቀቱ ናይ ፍጥር ወስናዐት መክሉቅ ቱ። አወል ሰናዐት መጽእ ሐቆሁ ምህነት ለልትረከብ። ቀደም 30 ሰነት ጀራዲን እት እንሸቁ ምስልዩ ሽባን ዐለው። ሕና እሎም ክሉም ሽባን ምስል እንዴ ገኣና ለለክትሐዜኒ ሓጃት በደል አስመረ ወብዕድ እንዴ ግሰነ ነኣሰንዩ ለዐልኩ፡ ምን ቅሩብ እት መዲነትካ ከረን እግል ንውደዩ ቃድራም ህሌኩ። እግል እሊ ክሉ ደረጀት እብጸኣሕ ብዞሕ ለሰዴኒ መሰህይ ኣድም ወክሎም መልህያምዩ ወመሻቂትቼ ሓምድ።

ብዕድ ምን አቅሊም ቅብለት በሐር ቀየሕ መዲነት አፍብት ለመጽእ ሻብ ዐብደለ እብራሂም ቱ። እንዴ ጸበጥኩህ መጽእ ለህሌኮ ህይ፡ መንገፍ ቤት ለተኣደምን ኣለት፡ ቤት ለተኣበርድ ባህለት ማይ ለትነዝፍ ኣለት፡ ተላጀት፡ ወእት ዳንዮት ኩረት እገር ለትሰዴ መሻቀዶት ቱ ቤሌ። ‘ፍጥር ወስናዓት ለዐምብብ’ እግል ዐቦት ወመትቀዳም እት እንብል ሐመድናሆም ወትሳርሐነ ምናም እሎም ሰብ ባርህም ምስተቅበል እርትሪን ሽባን።

ሻብ፡ ጣቀት ብስር

ወስናዐት

ጣቀት ሻብብ እት ዋጅብ እግል ትውዐል ወለለኣትሐዜ ተቅዩር ተኣምጽእ፡ ለገኣ ሻብ እሎም ለተሉ ጠባዩዕ እብ ዋጅብ እት ዐመል እግል ለውዕል ቡ።

1. መቅደረት ራቴዕ ፍክር ወውሕደት

ኣሳስ ለገኣ ተጠውር ምጅተመዕ፡ ራቴዕ ፍክር ቱ። ፍክርን ኣሰክ ሰኔት ለነሰእ እግል ልግበእ ቡ። እሊ ሌጠ እንዴ ኢገብእ ህይ፡ ወሕደት ገቢል ለለክተርድ ፍክር እግል ልገበእ ቡ። ሻብ ምህም ክፋል ምጅተመዕ እብ ግብኣቱ፡ እግል ለሐልፈ ተኣሪክ፡ ለህሌት ሐለት እብ ዋጅብ ለለክምር፡ ወእግለ መጽኡ አፍካር እብ ዋጅብ እንዴ ፈሀመ፡ ምን ሐር ለበልሰ መዋዲት ልትሓፍዝ ምህም ቱ።

ነፍሰክ ቀዳር

ናይ ሰያሰት ሕርየት፡ ዴጳተ ወደማኒ ናይ እቅትሳድ ሕርየት ወመቅደረት ሀለዮት ቱ። ሕርየት እቅትሳድ ህይ እምበል እት ንፍሰክ መተንካብ ወቀዲር ሰበት ኢትትረከብ ሀለዮት እሊ ፍክር ምሰል ክሉ ምህም ገብእ።

2. ዕልም፡ ምህነት ወተክኩሚ ለመልክ ሻብ

ዕልም ወምህነት አግደ ኣሳስ ወዴማት ዐቦት ቶም። እብ ተክኩሚ ዶል ልተለው ህይ ዝያድ ፍገሪት ለሀይቦ። ምን እሊ ለእንፍህመ ምን ተህሌ፡ ዴማት ተጠውር ወድ አድም ዕልም ሐቆ ገበኣ ወእሉ እት ዐመል ለተርጅም ህይ ሻብ እብ ግብኣቱ፡ ለከፊ ዕልም ወምህነት እብ ተክኩሚ ለተለ እግል ልርከብ ቡ።

3. ዓዳት ወነባሪ ምጅተመዕ

ዋር ሻብ፡ ወለ አልፍ ዶል እሊ እት ለዐል ለሰሚናሁ መቅደረት ራቴዕ ፍክር ወውሕደት፡ ነፍሰክ ቀዳር፡ ዕልም፡ ምህነት ወተክኩሚ ለመልክ አፍካር ምንመ ለህሌ እሉ፡ ዓዳት ወነባሪ ገቢሉ ለለሐሽም ወእቡ ለልትመረሕ ሐቆ ኢገብኡ፡ ለትመጽእ ዐቦት ለዘት ወተርጅመት ኣለቡ። ረያም ምስዳር እግል ልንደኣናመ ኢቀድር። ከጣቀት ሽባብ እብ ዋጅብ እብ ራትዐት ገበይ ትሸቁ ክም ህሌት እግል ኣከዶት፡ እብ ዓዳት ወነባሪ ገቢሉ ለሸን፡ ለልትሕበን ወእቡ ለልትመረሕ ሻብ እግል ልግበእ ቡ።

ጤናዊ (preconceptions) ሕሳብ

ከፍተኛ ንግድ

“ወደ አደሚ አስክ እለ እት መሸንገሉ መሰሉልየት ራፌፊ ቱ...ለእለ ለአቀምት ዐውቱ ወሰርገል ህዩ እት ምግብለ ከዋክብ ተሀንጦዋል ይህሌት፡ ህተ እተ ቀበቱ ሌጠ ትትረከብ፡ ከክልዶል ርሐ እግል ልምከር ወገባይ ራትዐት እግል ለአጽብጠ ለኢትትሐለል ግድለ እግል ለአተላላፊ ተአትሐዝዩ።” - ፍራንክ ኩርትስ ዊልያምስ

ምነ ለኢለአትሐዘነ ሕሳባት እግል ነአባሬ ሐዘነ ምን ገብኤ፡ እት ሰልፍ እግለ ቤድራይ (preconceptions) ሕሳባትን እግል ንበድሉ ለአትሐዘኑ።

ቤድራይ ሕሳባት፡ ምን በዲር ለትሸከለው እብ ክሱስ ነፍሱን ለህለው እግልን ሕሳባት ወአራእ ቶም። እሎም አራእ እሎም ህዩ እት እብ ክሱስ ርሐነ ለብናቱ መሻዕር ብዙሕ ተአሲራት ወዱ። ሕነ ለነሐሰበ ለእለ ብነ ቅድረት ወዐቅም ተ፡ ከለእለ እንወዴ ወለእለ ነሐድግ ተ ህዩ ለእግለ ሕነ ለነሐዝዩ እዲን ለትክልቅ።

ከእለ ምን ገብኤ፡ እግል እለ ኢፋሉታይ ሕሳባት እግል ንሸንኪ ሚ ገብኤ እግል ኒዴ ለአትሐዘኑ? አክል ሕድ ክመ ኢፋሉታይ ሕሳባትን እት አሆታይ ሕሳባት እግል ንበድል ለእንወድዩ ጸገም፡ እለ ጋር እለመ ዳይም ጅህድ

ወካሪ ልብ ለአትሐዝዩ።

ለኢፋሉታይ ህድግ ምስል ነፍሱን እብ አሆታይ ህድግ ምስል ነፍሱን እግል ልትበደል ለእንወድዩ ጸገም ቱ ለመፍቱሕ አውመ ሐል እግል ልግበእ እግልን ለቀድር። ከሕይት ርሐነ እንላቅስ ወረሐመት ዲብ ትነሰአ፡ እግል እት ቀበትን ወምስል ርሐነ ለነሐሸካሸክ እብ ሀገጊት፡ እት እግል ለአትናይተን ወገጽ ቀደም አስክ ወቀይ ለደርከነ ወእለ አማን እለ እግል ለአክድ እግልን ለቀድር ሕሳባት እግል ንበድሉ ብዲብነ።

እስኪ እለ ጋራት እት ልብክ እንዴ ከፊክ አትዋይ፤ እግል ትፈትዩ ወምን ልብክ ለተሐሸሙ ነፈር እብ ከፍ ገበይ ቱ ለተአትሀጋዊ?

መትብእሳይ ወኢመሴምሓይ እንዴ ገብአክ ትቀርቡ? ረሐም፡ መትናይታይ ወመዓውናይ እንዴ ገብአክ ትቀርቡ? ብዕዳም እብ ክሱስክ ለልቡሉ፡ አውመ ምስልክ ለልትዓመሎ እበ ገበይ ብዙሕ አሀምየት ለበ ጋራት ኢኮን። ለምህም ጋር እንተ እግል ነፍሱክ እብ ከፍ ትትዓመል ጎራ ቱ! (እብ ተርጀገት፡ እግል ርሐክ እብ ገበይ ሰይት እት ትትዓመል እቱ እዋን፡ ለብዕዳም እለ ጋር እለ አክል ሕድ ልቦም ከሩ እቱ፡ ወእብ ፍንቲት ገበይ እት ልትዓመሎ ምስልክ ለአኮቡቶ -

ወእት ደንጎበ ህቶም እብ ገበይ ሰይት ልትዓመሎ ምስልክ። እለ በህለት፡ እንተ ክል ዶል አክለ እለ ተሐሰብ ቱ ለትረከብ።)

እት ነፍሱ ለወቅት፡ ለተርኪዝክ ምነ እሎም ኢተሐዘኪ ጋራት አስክለ እሎም ተሐዘኪ ጋራት እት ልትሐወል መጽእ። እግል መሰል፡ ኒበል እንተ ምን ፈሸል እት ትፈርህ እቱ ወቅት፡ እት ፈሸል እግል ኢትትከሬ እበ እለ ብክ ሐለት ወእበ እለ ትመልክ ቅድረት፡ እለ ፈሸል ለትመኒዕ እብ ጸገም እቱ ትትፈረር። (እለ በህለት፡ እንተ እት ሀደፍክ አክል ሕድ ክም ተሐዋዋ ወምነ ሐር ከሳር አውመ ፈሸል እግል ኢልሳድፈክ ምስል ርሐክ እግል ቲደዩ ለትቀድር ናይ ኖስ ህድግ ክም ተአወልዋ ወዳክ)።

ከሕይት ፈርህት ለሰብ እትክ ጋራት እቦም ተሐሰብ፡ እት አካኖም ክሉ ቀልብክ ወተፍኪርክ እት እግል ለዐውቱክ ለቀድሮ ሰበት ትወድዩ፡ እት ክሎም ለእቶም ትትፈረር መጽግም፡ እግል ትዋጅህክ ለትቀድር ፈርህት ምን ዶል እት ዶል እት ነቅስ ወእት ትውሕድ ትመጽእ። ከክልመ ተርኪዝክ እት እሎም ተሐዘኪ ህሌክ ጋራት ወዳካህ ተ፡ ከለእሎም ኢተሐዘኪ ወምኖም ትፈርህ ለህሌክ ጋራት እት ልውሕዶ ወእት ልትሰአኖ ገይሶ።

ክብብ

ናይ ማሌ ሕሳባትክ ወዲቡ ለከሰርካህ እግል ትትፋቀድ ኢትጀራርብ፡ ዕምር ለቀጠፉ ትከፍከፈ ምን ገብኤ እግል ካልእ ዶል ኢለዐቀብል፡ ምናተ ምስል ክል ሐዲስ ቀይም ብዕድ ቀጠፍ እግል ልብቀል ቱ፡ ከእለ ገጽ ሰመ ግልቡብ ለህለ ቀጠፍ እሉ አትቃምት፡ ወሉሂ ለእት ምድር ክፍኩፍ ህለ ግድም ባልክ ኢተሀበ፡ ህቱ ሐቆ እለ ጅዙእ ምነ ምድር ጋብኤ ህለ...ሐቱ ዶል ጸሌዕክ ለናክኤ እትክ ሐቆ እለ ኢትእመኑ፡ በህለት አደብ አካት ሰበት ኢጠልቅ...ተአምኖም ወደማን ትወዴ እቶም ለዐልክ ዶል ሽናቅሩክ ለእዲነ ሰኒ መራር ትገብኤ፡ ምናተ ለመራረተ እንዴ ኢተዳውር እት እለ ተሀይበክ ደርሰ ሌጠ ልብክ ክሬ፡ ወዓቅል ህዩ ምን ዎርት ግብ ክልኤ ዶል ክም ኢልትክሸ አክል ሕድ እግል ተአምር ለአትሐዘኪ...

እት ወቅት ፈዳየቱ ለመጽእክ ጃምሉ፡ ወእት ወቅት ፈዳየትክ ለመጽእክ ሐሸሙ፡ ወጀላብክ እንዴ ቤለ ደለ ገብአቱ ለጠልቅ ህዩ ምን አሰሩ ኢትትረፍ፡ ወደለ እለ ረኡካ ኢትእመን ጩወትመ ሽከር ትመሰል...

ክል ዶል ክምለ እለ እንተ ግበኤ ኢትትሰነዕ...ለልትሸነህክ ክመ እለ ህሌክ ምስል ዓብክ ወነቃሰክ እግል ልፍቱካ ቱ፡ እግል ርሐክ ሌጠ ግበኤ ወብዕድ ህዩ ክሉ ድግም ሰበት ቱ እግል ለአክትም ቱ...


እት አልባብ ብዕዳም ለህሌት እክ አካነት ብዙሕ ኢትእመን...ውላድ አደሚ ምዕል ከምን ስካዎም እትለ ፈዝዕዋተ ዶልክ ከሕብር ዎርት ለብሶ... ለዐለ እሎም ረኡይ ክል ዶል ልትበደል... ላመ ዐዋዋፎም ዶልክ እብ እንክር ዎርት ልትባለሱ፡ ወእብ ሕድት ምስምሰ ግራሆም ለሀይቡክ ወእንዴ አዝመው ምንክ መጦር ብዕዳም ገበኤ...ከውላድ አደሚ መራሕል ቶም እንዴኢኮን መሳክብ ኢኮን...ወሐቱ መርሐለት ምነ ሐቱ እግል ቲሪም ትቀድር ወእግል ትሕጨር፡ ምናተ እት ደንጎባለ ምሽዋር እንተ እብ በደንክ ዎርት ረኡክክ እት እንተ እግል ተዐቅብል ቱ...ወአስክለ ጨበል ለምኑ ትከለቅካመ ምዕል ሐቱ ህሌት ህቶም እግል ልድፈናካ ቱ...!!

ተበሳም

ጀሐ ሐቱ ምዕል እግል ልትዛወር ሰይፋ ወገለቡ እንዴ ነሰኦ፤ ከእት ረኡስ አድግ እንዴ ትጸዕነ ትገብሰ። እትለ ገበይ እናስ እብ ሞራሁ ትከበተዩ፤ ወእግል ጀሐ ለአድጉ ወለ በለሊቱ ሰልበዩ።

ጀሐ ብራቁ እመ ክም ወልደቱ ወእብ አገሩ እት ለሐናክሽ ዐድ ዶል አቅበለ፤ ሚ ክም ጀሬት እቱ ትሰአለዉ። ህቱ ህዩ ለተዋልሉ ዳገመ እሎም፤ ከእስትቅሩሳም እት እንቶም ክም እለ ቤለው፤ እናስ አጋር በዐል ሞራ ክም ከፍ እግል እትረኡስ አድግ ለህለ በዐል ሰይፍ ወገለብ ሰልብ!?

ጀሐ ክም እለ ቤለ፤ ለሐቱ እዳዬ ሰይፍ ጸብጠት ዐለት፤ ወለሐቱ ገለብ፤ ከሚ እግል እውዴ ሐዘኩምኒ እግል እንክሹ ዐልት እፎ!?



አሀምየት ዐባይ ከበን ነሳዬሕ

ለተአትሓዝን ሓድሰት እንዴ ፋቀድክ እብ ሰበበ ዕንታትክ አናቤዕ ዶል ለአትቃዋር፡ ረኡስክ እንዴ አድነንክ አስክ ምድር ኢተአቀምት፡ ለረኡስክ ርፍዑ ወለዐል ሌጠ አቅምት።

ምን ተክሲ እት ትትከሬ ዲቡ ወቅት ክል ዶል አስክለ አካን ለእተ ግሱይ ዐልክ አቅምት፡ ምን አመረ መሕፈዘትለ ሰለዲካ አውመ ህዩ ሞባይልክ እግል ተአምልጭ ሰበት ትቀድር።

ምን አምረ ገሌ ለኢተአትሐዘኪ ጋራት እንዴ ወዳክ እት ቀደም ፖሊስ ዶል ትበዋር፡ እት ዶል ለህ እብ ምልሃክ ሃድእ እት እንተ ሐቶ አውመ ያኡስታዝ እት ትብል እንዴ ነቀምካህ እብ ገበይ ዓድየት ትፋሀም ምስሉ።

እት ገሌ እሕራጅ ለሰብ እትክ መውቅፍ ዶል ትትከሬ፡ እት ደአል እንዴ ሓበርካሁ እት ለለአሰሕቅ መውቅፍ በድሎ ወእብ ሕድት ከሳር ክም ትትካረጅ ውዴ።

እት አካን ረያም መዋዲድ አውመ ዐዘመት ዶል ተህሌ እግልክ፡ አወዕክ እስኢን ሐዲሰት ትድጋሬ።

ምን ሐሶት ወምነ ክል ዶል ሐሶት ለልትሃገው አንፋር ትደገግ፡ ወለእለ ከለፈተ ትክልፈክ አማን ሌጠ ተሃጌ።

ዎርት ነፈር እብ ክሱስ እግል ትትሃጌ ለኢተሐዘኪ ጋራት እበ እግል ለአትሃጌክ ዶል ቀሰበክ፡ ጋብሁ ወለመሰአለት መሰአለት ሸክሰዩት ተ እንተ አዘኪ ሚ እግል ትንፈዐካቱ ከትቀዋቅለ ህሌክ በሉ።

ሐቱ ጋራት እግል ቱደ ዶል ተሐዘኪ ኢትሸከክ ወሐር ወቀደም ኢቲበል፡ አውመ ውደዩ አውመ ህዩ እደም ምነ ሕደገ።

ዎርት ነፈር ነፍሱክ ለትፈትዩ ጠቢዐት ዶል ትርኤ ምኑ ክሉ ለአዳም እት ሰምዐክ አሰእሉተ፡ ወነፍሱክ ለኢትፈትዩ ጠቢዐት ዶል ትርኤ ዲቡ ህዩ እንተ ወህቱ እብ በደንኩም እት እንቱም ምክሩ።

እት ገህወት እንዴ አቴክ ከሻሂ ልግበእ መብዕድ እንዴ ጠለብክ ግሱይ እት እንተ መሕፈዘትለ ሰላዲክ እት ቤት ክም ትረሰዕካህ ዶል ተአምር፡ እግለ ምባሸር እለ ተለፎንዩ እት ሻሕን ክረዩ እግልዬ እንዴ ቴልካሁ፡ ለሓጀትክ ለእለ

ግልብ ዐልክ እንዴ ደበኢካህ ነፍሱክ እት እሕራጅ እንዴ ኢትከሬ ቤትክ ጊስ ወለሰላዲክ እንዴ ጸበዋክ አቅብል።

እግል ቀፊር፡ መዝብያይ ሰጃይር፡ ሐላጌን፡ ሰዋጌን ተክሲ ወእሎም ለመሰሉ ንሳልክ እግል ልዋሉ በክት ኢተሀቦም።

ገሌ ጋራት ተአፈርህክ ገብአት ምን ገብኤ ለፈርህት አስክመ ጠልቀክ እብ ትሉሉይ ውደዩ፡ እት ዶል ለህ እት ትትሸበህ እግል ትምጸእ ቱ።

እትለ በዝሐ ወቅት ለነፈር ለብዕዳም እብ እኪቱ ለሀዱጉ እግልክ፡ ቅርብ እንዴ ቴቤ ትመሳኒክ ምስሉ ምን ገብኤ ህቱ ለሐሰ መክሉቅ ዲብ እለ እዲነ እት እንቱ እግል ትርከቡ ቱ።

ምስል ዎርት ነፈር እግል ሰልፍ ዶልክ መዋዲድ እንዴ ወዳኩም እግል ተምሸዩት ፈገርኩም ምን ገብኤ፡ አልሓይክ አስክ ልትረኤ እብ ሳሓቅ በርግዕ ኢትግበኤ፡ ገጽክ እንዴ አብረህክ ተበሰም ወዳክ ምን ገብኤ ትከፈክ።

ገሌ ጋራት እንዴ ቀረኢክ ከዐጅቡተክ ምን ገብኤ፡ ምን ሐዲስ ቅርኤ፡ ሐዳሰይስ ጋራት እግል ተአክተሸፍ ቱ።

(2^ይ ወናይ ደንገበ ክፋል)

ዐዳጋታት ወሐረከት ገቢፍ

እቲ ሐልፊት ጥብባት ክምለ ህደግናህ፡ ዕዳገ እት ኣምዳር ኤረትርፍ ናይ ደዋዬሕ ትግበእመ ድኢኮን፡ ምን ቀበት ዐድ ወካርጅ፡ ቅብለት፡ ግብለት፡ ምፍጋር ወምውዳቅ ጸሓይ ደውለት ለመጽእ ገቢል ለልትዋጀህ ዲቤ፡ በዳዬቦ ቀበት ዐድ ወካርጅ ለትትሐደር ምሕል ተጃረት ተ።

ዐዳገ፡ እግል ሸዑብ መሰለሐተ ውቅል ተ። መርያት ለአለቡ ምን ዐዳገ ልትዛቤ ከተውብ፡ ተዋብ ንዋይ ለአለቡም ምን ዐዳገ ንዋይ እንዴ ትዛቤ፡ ሐረቱ እብ ተዋብ ንዋይ ለአገምለ።

እቲ ዐዳገ እግል ዝቤ ለወርድ ንዋይ እብ ኣላፍ ለልትዐለብ ሓታት፡ አጠለታት፡ ብጌዕ፡ እንሰ ወኣዱግ ተ። ምን ለትፈናተ ኣምዳር ሰበት መጽእ፡ ዶል ልትሓበር ሕማማት ለአፈርህ፡ ምናተ እት ክል ምድር ንዋይን እብ ሰብ መቅደረት በደጠረት ልትፈደእ ወልትዳዌ ሰበት ሀሉ፡ እሊ ዛህራት ሕማማት ንዋይ ህወን እንረክቡ።


ሐረስታይ ምን ዐዳገ ለልኣገርሁ ብዙሕ ተ፡ ነውያት፡ ደረክን፡ መግዘም፡

ምድርም ወቅሩም ለኢህለ በዳዬቦ ምን ፈርያት ቀበት ዐድ ወካርጅ ጃቅፎ ከምድርም እንዴ አቅበለው፡ እት ሱጉም ወመኣሰሳቶም እለ ብዳዐቶም ለአዘቡ። ልባሉ ብሌዕ፡ ስተይ፡ አግርበት፡ እክል፡ ኩዳር ውበዕድ ህዩ ለአገርሆ።

ዐዳገ እት እቅትሳድ አፍራድ፡ ዓይላት ወመጅተመዕ ሐዘተ ሰኒ ውቅል ተ። ዐዳጋታት ቀበት ዐድ ብሩር ዐድን ምን ኢለዐሉ፡ በዳዬቦ ሱግ እብ ቀሎት ምን ንቀርለ ሸዑብ ወፈግረ ዐለ። እለ ቀሎት ሱግ እብ ኣምጽኦት በዳዬቦ ወክሲት ዐዳጋታት ተ ለትትሓረብ። ሸዑብ ምን ዐዳገ ምርትክ ዐደድ ቅድረቱ ወቅያሰ ጂቡ ቅድወቱ ልትዛቤ ወልትናበር።

ዐዳገ እም ራክብ ወሓግል ተ። ምን ለኢልደረር ኢህለ። ገቢል ለእሉ መልክ መምተለካት ምን ንኢሹ እት ዐባዩ ዲብ ዐዳጋታት እንዴ ከራ፡ እብ ቃሊ ወረክሲ ለአዘቡ፡ ነፊዕ ወልትነፊዕ። እለ ንዕመት እለ ህዩ ምን ረክበ?

ዐዳጋታት፡ እግል እቅትሳድ



መለኪነት፡ ፋሉ መሳር፡ ተብዐተይ፡ ዘርእ ወጅብ፡ ደወ ንዋይ፡ ወለፍ ዐዱ ወሰብ ኬዋሁ፡ ናይሉናት፡ ወኩሉ እግል መስተይ ወሴፈ ለነፍዑ ሓጃት ምን ለአገርህ።

ህቱመ እት ግርሁ ለአፍረዩ እክል ውበዕድ እተይ እንዴ አዝቤ፡ ቅድወቱ ወዴ። ሰበት እሊ ዐዳገ አርወሐት ሐረስቶት ተ። ለበዝሐ ገቢልን ሐረስታይ ምን ንብአ ድኢኮን፡ አርወሐት ኩሉ መጅተመዕ ኤረትርፍ ተ ምን እንብልመ ይኣትራዘቅን።

ተሸሸ ወትጃርመ፡ ምን ረዩም ወቅሩብ ኣምዳር እት ልትሸበው እት

ደውለትመ እተይ ብዙሕ ቡ። እተይ ቀበት ዐድ ምን ደራይብ ንዋይ፡ አሰዋግ ጥሉቅ ክም ዐዳጋታት ምዴርያት ለልትረከብ መላዩን ተ። እሊ በዋረ ምን ንብእ፡ ለአሰራር ተጃረት ኩሉ በዋር። ከዐዳገ እብ ዕን ዱለት ወሕኩመትመ እብ ቀላል ለትትረኤ ኢኮን።

ዐዳገ ምሕል ናይ ክሉ ክፈፍል መጅተመዕ ክም ኣንሱ፡ አጀኒት፡ ሰብ ወሽባብ ሰበት ንብእት፡ ዲበ ለህሌት ሐረከት ዝቤ ወመትዛባይ ጌዳን አለቤ። ምን ኣምኣት ኪሉ ሚተራት ህዩ ትትመጸእ። ምን ሰስ ኣቃሊም ዐድነ ለልትወረድ ዐዳጋታት ሐጋት፡



ከረን፡ አቁርደት፡ አሰመራ፡ ሸዑብ፡ ግንደዕ፡ ሀይኮተ፡ ባርንቶ፡ ተሰነይ፡ ገሉጅ፡ እምሐጀር፡ ነቅፈ፡ አፍብት፡ ባጽዕ ወፎሮ ለትዐመረ ዕዳጋታት ዐድና ተ።

መሰለን እብ ጀህት በሐር ለመጽእ በዳዬቦ ዶል ተሐዘ፡ ባጼዕ ወፎሮ እግል ቲጊስ ከተአግርህ ብኩ። ምን ጀህት ሱዳን ለትመጽእ ብዳዐት እግል ትርከብ ህዩ ዕዳጋታት ቀላቅል ምውዳቅ ጸሓይ ክም ናይ ሀይኮተ፡ ሰነይ ወፎርቶሳወ እግል ትትከፊ ብኩ።

ንዋይ በርከ ምን ተሐዘመ እት ምድር በርከ ወጋሽ ለህለ ዐዳጋታት እቱ እግል ተአውህሌ ወምኑ ትትዛቤ ህሌት እኩ። ንዋይ ስሕል እግል ትትዛቤ ምን ተሐዘመ፡ ጀህት ሰዋሕል እግል ትቅንጽ እሉ ብኩ።

እት ዐድነ ኤረትርፍ ለህለ ዐዳጋታት ኣምኣት እቡ ለልትዐለብ ተ። ክሉ ኣምዳር ሕዱድ ወክርስ ኤረትርፍ ዐዳጋታት ቡ። ሰበት እሊ፡ ለምን ግዋሬ ድወል ለልኣቱ በዳዬቦ ሰኒ ብዙሕ ተ። ምን ኤረትርፍ ካርጅ ለገይሰ ንዋይ፡ ብቅል ውበዕድ አርዛቅመ ለክምሰልሁ።

መብዝሐ ዕዳጋታት ዐድነ እት ከደን ጥሉቅ ቱ ለገብእ። እሊ ህዩ እግል ንዋይ ውጡይ ኢኮን። ሰበቡ ህዩ፡ ለንዋይ ምን እማቱ ዕዙግ

ሰበት ሀሉ፡ እግል ልሕረቅ ወልግለብ ቀድር። እትለ ኢነት እለ እግል ልትጸበጥ ኢቀድር ወደለ እት ቀደሚሁ ለጸንሐዩ እግል ለአብቂመ ቀድር። መሰለን፡ ሐ ወእንሰ ገልበት ምን ንብእ፡ ጹብጠተ እግል ትባግር ትቀድር።

ከዲብ ዐዳጋታት ለህለ ከሉብ ንዋይ፡ እግል ልትለመድ ወእብ አግቡይ ጥወር እንዴ ትሸቀ፡ እግል ንዋይ ዝቤ ወሰብእ፡ ምን ጸሓይ ወዝላም ለልሐጅብ ወክሉብ እግል ቀበቱ ህለ ንዋይ እግል ልግበእ ወጅብ።

እምበልሁመ እብ ዓመት ለዐዳገ፡



ተአመጽእ።

እት ዐዳገ ለልትዘቤ ንዋይመ፡ ሰብ ንዋይ ደለ ሐመ ወክለለ ዲቦም ንዋይ እቡ ሕኔት ዐዳገ ልትከረው፡ እግል ዓፍየት ዘባይኖም እንዴ ሐሰበው፡ ደለ ዑፊት እግል ለአዝቡ ወሐቅ መዐያሆም ምኑ እግል ልሰለሞ ብዲቦም። ዲመ እት ዐዳጋታት ለወርድ ንዋይ ተ፡ ዲብ ክልል እት ኩሉ አሰዋግ ወጠን ለበኤሕ። ክኢሊ ኣንውየት ዐዳጋታት ወሱግ ዑፋይ ንብእ ምን ንብእ፡ ዓፍየት ኩሉ መጅተመዕ ኤረትርፍ ሕፍድት ተ።


ዐዳገ መሰለሐት ገቢል ብእተ።

ኩለ ለሐረከተ ሕበር ሰበት ተ፡ እግል ዐረባት ወካርታት ሸዋሬዕ ፍንቱይ ሰበት አለቤ፡ እሊ ዐረባት እሊ ዲብ ኣዳም ወመምተለካቱ መደረት እግል ለአጅሬ ቀድር። ሐረከት ኣዳም ለብእቱ ኣነናት፡ ምን ዐረባት ናጊ እግል ልግበእ ለአሰትህል። መሰለን፡ እት ዐዳገ ሐጋት፡ ለሐረከት ካርታት፡ ዐረባት ወኣዳም (ክም ኣንሰ ወአጀኒት) ቀበት ሕድ ዶል ትርእዩ፡ ለትአፈርህ ተ።

እምበልሁመ እት ዐዳጋታት ለትትፈረሽ ብዳዐት ለሰፋየተ እግል ትትዐቀብ ሐቆመ ንብእት፡ እት ዕዛል፡ ወመኣክብ ሰኒ እግል ትትሐጀብ ቤ። ሰበቡ ህዩ፡ ጸሓይ፡ ወለውል ወኣጩብል እቡ ኣኪት ምን ንብእ፡ ዕንታት ዘቡን ኢትጀዝብ ወትዘቤትመ ምን ንብእ ምድረት

እግል እተይ ቀበት ዐድ እብ ገበይ ጀማርክ እተይ ናይ በለድየት ብዙሕ ልትጃቀፍ ምን። እት መጅተመዕ እብ ዐውል ረኪሰ ተአዘቤ፡ ሕጉዝ ምን ረቴዕ፡ ወሰእን ምን ልትደረር። ምሕል በዳዬቦ ወንዋይ፡ ክምሰልሁመ ለልሐርኩም ወለልትናበር እቦም ኣዳም ሰበት ተ፡ ለዐቤት ኣነን ተጀዋዓት መጅተመዕ እግል ኒበለ እንቀድር።

እት ዓዳት መጅተመዓት እዲክ፡ እብ ዐዳጋታት ለአንበታ ቱ እሊ ዮም ዐባዩ ሐዳራት ጋብእ ለህለ መዳይንመ ለትብኩ። ዐዳገ ዶል ህሌት፡ ሱግ፡ መካሰብ፡ ዐባት እቅትሳድ፡ እጅትማዕየት ወሐዳረት እት ኣነኩ ክም ነብር ኣኪድ ተ። ከአሰዋግ እብ ዐዳጋታት ቀበት ዐድነ ንረሸዳ።



ሳምሶን፡ ዲብ 'መራቶን ወሺ' ተወወተ

ኤርትራ አትሌት ሳምሶን አማራ፡ ማሌ ለሀ እት ቻይነ ዲብ ገብአ 'መራቶን ወሺ' ሰበት ተወወተ፡ እት ሓለት ሰኔት ክም ሀለ አትአከደ።

እሊ አሊምፕያይ አትሌት፡ እሊ ደረጃት ደሀብ ለብእቱ ጅግረ - 42 ኪሎምትር፡ እብ 2ሳዐት ወገደቁቀት ቱ ለአትመመዩ። እቶብያይ ታፋ ጋዲሳ ህዩ እብ 2ሳ፡7ደ፡02ካ፡ መዳልየት ወርቅ ነስእ እት ሀሊ፡ ወድ ዐዱ ዲሶ ሚሊ ሐምስ ካልኢት እንዴ ደንገረ ሳልሳይ ረከበ።

ዎርት ምን ፈዳብያም አትሌታት ዐድነ ላቱ ሳምሶን፡ እትለ

መሳፈት መራቶን ረዩም ለአመጽኦ ለሀለ ፍገራት ለትአትዐጅብ ተ። እት አሌላት ፈንቅል ሰነት ዮም ዓመት እት ባጽዕ ዲብ ገብአ 'ሰር መራቶን ምፍጋር ጸሓይ አፍሪቀ' ሰልፋይ እንዴ ገብአ ለትወወተ አትሌት ሳምሶን፡ እት ካርጅ ዲብ ለዐበ ናይ ፕላቲንየም ደረጃት (ማጆር ማራቶን) ለሀለ ጅግራታት መራቶን ዲብ መ እግል ልትወወተ መስኢት ብእቱ።

ማራቶን 'ወሺ'፡ ዎርት ምን ዲብ ዱለት ቻይነ ለገብእ እመር ጅግራታት ቱ። ማሌ ለሀ ህዩ፡ ምን 36 ዱለት ለመጽአው 35 አልፍ መሻርክት ክም ሐድረወ ተአመረ።



እግል ዝክረትለ እት ሐያት ለኢህለው መትባድረት ዐጀላት ገብእ ለአስመን ብድረ ዐጀላት አቅሊም ምግብ፡ ሰንበት ዐባይ እት ድዋራት ሞኖፖልዮ እበ ገብአት ካልኣይት መርሐለቱ ተመ።

ለሐልፈት ሳምን ስጋደት ፎርቶ ዲብ አወላይት መርሐለቱ ለወደ እሊ ጅግረ፡ እትለ ካልኣይት ዱረት፡ ስጋደት ማይ-ጀሕጀሕ ለብእት ሐቱ ዱረት 2.4 ኪሎምትር ከዋ እቱ ገብአት።

እቱ ሐልፈት ሳምን ምስል ውላድ

ጭመራት ለዐለየ መትባድረት ዐጀላት አዋልድ፡ ማሌ ላቱ በይነን ጅግራህን እንዴ ወደዩ፡ ትልህየ ሰኔት አርአየ።

እት ስጋደት ሞኖፖልዮ ዲብ ዐለት ሾላት መትባድራይት ሰራይር ሳዋ -ዮርዳኖስ ተኪኤ አወላይት አብሀዘት። እምበል ክልኤ መትባድረት፡ ለበዝሐ 20 መትባድረት ለዱለት እለን ዐለት 69 ኪሎምትር፡ እብ 1ሳ፡57ደ፡46ካ፡ አትመመያህ።

እብ ወቅት ክእሉል ናይ

ክልኢቱ መራሕል፡ ሲዶን ሀብቶም ምን ሰራይር ሳዋ - እብ 4ሳዐት ወ32 ደቂቀት፡ እትሊ ጅግረ ዝክረት ዕውትት ህሌት። ሰለስ ካልኢት ደርቦ ምን ፈሪቅ ግብለት ሄርሚላ ሳይሞን ካልኣይት፡ 12 ካልኢት እበን ለትአከረት ምን ፈሪቅ አራግ ሮዚና ብርሃኔ ህዩ፡ ሳልሰይት ገብአየ።

እትሊ ጅግረ ምን ዐባይ መትባድረት ዐጀላት አዋልድ ካብ፡ ለነኣይሽ እት ልትወወተ ወለዐ'መ ዶል ትርኤ ሰእየት ለልሀይብ ብድረ ዐጀላት እብ አዋልድመ እት ገበይ

ክም ሀለ ለአተንብህ።

100.4 ኪሎ ምትር ለትረተበት እሉም መትጃግረት ውላድ ዐባይ፡ ህጁማት ብዙሕ ለትረኦ ዲብ ትልህየ ወደው። እት አዋልድ ለትረኤት መጃግረት፡ እት ውላድ ለደግመ ፈሪቅመ ናይ ግብለት ዐለ። ወእብ ሮቤል ሀብተማርያም ተወወተ። እት አወላይት መርሀለት ሳልሳይ ፋግር ለዐለ ሮቤል፡ እግለ ናይ ብሕቶት መትባድራይ ሄርሞም ኢሳቅ ወነፈር ኤራቴል ሳምኤል ምስግብ፡ እብ ሾላት እንዴ አጅገረ አወላይ አወልወለ። መትባድረት ለብዕዳም እብ 2ሳ፡16ደ፡ 9ካ ጅግራህም አትመመው።

ክል ዶል ትልህየ ሰኔት ለልኦርኡ

መትባድረት ጁንየር ካልኣይ ዲቪዝዮን፡ 78.8 ኪሎምትር ዲብ እዋ ልትጃግረ፡ እት ሳዐት 42.8 ኪሎምትር ሰውጎ ዐለው። መትባድራይ ደንደን-ዮናታን ቴድሮስ ህዩ፡ ተወወተ፡ ደርቦ ህዩ ምን ፈሪቅ ትጽቢት ነቢ ሳምኤል ወምን ደንደን ሚካኤል ዳንኤል አተው።

እብ ክእሉል ወቅት ህዩ፡ ለዲብ ክልኢትን መርሐለት ለትወወተ ዮናታን እብ 3ሳ፡57ደ፡59ካ እሾብሩቅ ሀለ። 56.1 ኪሎምትር ለገልበበ ጅግረ ሳልሳይ ድቪዝዮን ሸክል ህዩ፡ ነፈር ፈሪቅ ትጽቢት -አሚንዳብ ወልዴዮውግንስ እብ 1ሳ፡21ደ፡33ካ፡ ተወወተ።



ውዛረት ድፈዕ፡ ተእሂል መደርቢን አትሌቲክስ ተህይብ

ውዛረት ድፈዕ ምስል ወጠንያይ ፈደሬሽን አትሌቲክስ እንዴ ተዓወነት፡ መአንብታይ ተእሂል መደርቢን አትሌቲክስ ሀበት።

እሊ ምን ዮም 17 አስክ 23 ማርሰ 2025 እግል ሳምን ለትህየበ ድሩሴ ሐቱ ወለት ለብእቶም 15 አንፋር አቅሳም ውዛረት ድፈዕ ሻረከው ዲቡ።



እሊ እት መዐስከር ዒታሮ እብ ሸፊሕ ወፍዕል ለትህየበ ድሩሴ መደርብ እግል ልተብዑ ለቡ አግቡይ አሳሲ፡ አምር ፈልሰፈት አትሌቲክስ፡ ጋብሆት ሒለት ለልሀይብ አድውየት፡ ዐቂብ ደማነት አትሌታት፡ ቀዋኒን አጅናስ ተድራብ፡ መነት ርያድዩን ወብዕድ አርእስ እንዴ ከምከመ፡ እብ ኢንስትራክተራት ሸዊት ተስፋገብሪኤል ወቃልኣብ ሰለሙን ተህየበ።

እቱ ዕለት ቲማዋ፡ መስኡል ፈሬዕ ርያድት አቅሳም ውዛረት ድፈዕ፡ አሰይድ ብሂል ናትናኤል እቱ አስመዐየ ከልመት፡ ሀደፍለ ተህየበ ተእሂል፡ እግል ምደርቢን

አትሌቲክስ ዲብ እት ውዛረት ድፈዕ ለገብእ ወጅግራታት አትሌቲክስ እቱ እብ ዕልማይ አግቡይ ጆላብ እግል ልደርቦ ከዲብ መጃል ርያድት ሐዙቶም ለአውፋ ክም ቱ አብረሀ። ለመደርቢን ራክባሙ ለሀለው ድሩሴ ህዩ እብ ተጃርብ ወቅራኣት እንዴ ረሸደው፡ ለትወቀለት ተረት እግል ለአግዱ ትፋኑ።

ለመደርቢን እቱ ተህየበዮም በክት ድራሰት እት ለሐምዶ፡ እግለ እት ለትፈናተ አውካድ ለገብእ ጅግራታት አትሌቲክስ እብ ዓመት ወጅግራታት አቅሳም ውዛረት ድፈዕ ህዩ እብ ፍንቱይ፡ እብሊ ራክባሙ ለሀለው አምር


ለሐሰው ርያድዩን እት አፍረዮት ወዲብ እብ ክለ ሐሊቶም ክም ሸቁ አክደው።

እቱ ምዕል ካቲመ ለደርሰው ለትዳለ እሉም ሸሃዳት ምን መስኡል ፈሬዕ ሐብሬ ወአትፋዝየት ሀይኣት ጽዋር ሌተናል ኮሎኔል ዮሀንስ ዐንደማርያም ትከበተው።

እሊ ክእነ ዲብ ሀለ፡ እግል 30 ርያድዩን አንፋር አቅሳም ውዛረት ድፈዕ ምን ማሌ አተሉት 25 ማርሰ ለልኣነብት ናይ መደርቢን መደርቦት ተእሂል እት ኮበሪት እግር እግል ሩክሰት 'ዲ' ልትህየብ ክም ሀለ ለበጽሐተነ ሐብሬ አክደት።



ባሕርይ፡ ዐንጻፍ ከተመሰከሩ ሐዋን ከምሰክሩ ልክብው ቨርሱ



ence እተ ወደዉ በሐሰ እት 7 ዓይነት genes (ጅንስ) ናይ ዐንጻት ክም ኡዳቀለው ወእሊ ህዩ እግሊ ረዩም ወሸልሻል ላቱ ጭገር ለበ ዐንጻይ እግል ልፈርጎ ክምሰል ወደዉ ወደሐው። እብሊ ህዩ “ለጨጋሪት ዐንጻይ” ለትብል ክናየት እፍጉራም እግሊ ክም ህለው ቨርሱ። እተ ከምሰልሁም ለዐንጻይ

እት ቱክሳስ biotech company ለትትብህል መክሰሰት በሐሰ ተርኪዘ እግል አሌለዮት ፍንቱይ ጠባዩስ እሊ ባዲ ለዐለ ሐዋን እት ከምሰልሁም፡ ምን እየ ክምሰል መጻ ውበዕድ ለከሰስ በሐሰ ክምሰል ወዲት ልትሸረሱ።

እሊ ቀደም እለ ባዲ ለዐለ ጅንስ ሐዋን ምን ትረክቡ፡ ለመክሰሰት ቀደም እለ እግል እሊ ሐዋን እሊ እግል ትብሐስ እፍግርቱ ለዐለት በርናምጅ እግል ልትዐወት ክምሰል ሳዐደየ ትሸረሱ። መጅመባት colossal biosci-

ዶልዶል ለጭገረ እተ ለትፈናተ ሸክል ክምሰል ልትቀየር፡ ወእሊ ህዩ ምሰል መትባዳል ሓለት ጀው ክም ልትከለቅ ወምሰል ሓለት በራደት ወሐፋነት ክምሰል ልትጸበጥ ለዐለመእ ወደሐ።

ወድ 11 ሰነት ጅነ እት ሻሬዕ newyork እግኪ ከትፈናተው እንፋር ምክር ከህይብ



ወድ 11 ሰነት Ortiz ለልትብህል ጅነ እት ሻርዕ Newyork እንዴ ትገሰ እግሊ ነሳይሕ (ምክር) ለልሐዙ አንፋር ነሳይሕ ክም ለህይብ ትሸርሱ። አንፋር ብዝሓም መሻክል ዶል ሳድፎም መሻክሎም ሐል እግል ልርከብ ነሳይሕ እት ለሐዙ ክምሰል መጽው ወህቱ ምክር ክምሰል ለህይቦም ልትህደግ።

ለጅነ ለእሉ ለህይብ ምክር ወቅት ሕዱድ እሉ ክም ቱ እሊ በህለት ክል ነፈር 5 ደጊገት ክም ነስእ ምኑ እብ ደግማን ወደሐ። ምክር ለልሐዙ አንፋር እትለን 5 ደጊገት ለትፈናተ ሰአላት ክም ቀድሞ እቱ ወህቱ እግል ጋራዮም ሐል ለአመጽእ ለበለዩ ለትፈናተ



ምክር ክም ለህይቦም ልትአመር። ለእሉ ለህይብ ነሳይሕ እት ዕላቃት ለጉበእ ጅህድ፡ ሸቅል ለከሰስ መሻክል ውበዕድ ለሸምል ክም ቱ ሸርሱ። አጀኒት ነአይሸ ለደሀረ መሐለኪት ሐዶት ለሳድፎም ምን ጉበአው ሓዶት

እብ ገበይ ቀላል እግል ትትባላሕ ክም ቀድር ልፍህሞ። እብሊ ህዩ፡ እሊ ጀኒታይ ንኡሽ ሐዶት እበ ህቱ ለልፍህመ ገበይ እግሊ ምክር ለልሐዙ ምኑ አንፋር እበ ለአትፈክር ገበይ ምክር ለህይቦም።

ገኪ ንመንፈዕት ጠማጥም/ከመዶር



ከመዶር ሺታሚን ቢ፡ ሲ፡ ከይ፡ ለጸብጠ እት ጉብእ እብ ፎሊት፡ ማግነዝዩም፡ ነሐስ ወፎስፎረስ ህዩ ለተጀራ ቱ። ገሌ ምን መንፈዕቱ ዶል እንርኢ፡-

- ዓፍየት ቀርቦትን ራቅብ
- እግል ዓፍየት ዓጭሞታትን ዳፌዕ
- ዕንታትን ሰኒ እግል ልርኢ ሰዴ
- ሕዲን ጭገር ዳፌዕ
- ምን ሕማም ካንሰር ዳፌዕ
- ምን ዐደድ ለመጽእ ሸቤሕ ዳፌዕ
- መሻክል ስካብ ለህውን
- ምን ደቅጥ ደም ዳፌዕ

ገጽ ሐር ከበክሱክ ንቀጥ

- እግል ትትዐወት ንዩት እንዴ ብከ ምን ትምኒት ወኪን ከዋወት ኢንስኦት
- ናይ ተሐደሰ ተሐምቅ መቅደረት ኢህለዮት
- እግል ዋልዲንክ ኢስምዐት
- ወቅት ሰበት ህለ እግልዩ ዐሬ እቡ ብሂል
- ሽዑር መስኡልየት ኢህለዮት
- ለጉበኦት ሓጀት እንዴ ኢትጀርበ ኢትጉበእ እዩ ብህለት
- ነቃሰክ ኢመትከባት
- ክል ዶል እብ ብዕዳም አንፋር እት ተሐሰብ ነፍሰክ መትረሰዕ
- አዳም እግል ኢልበለኒ በህለት
- እት ምግሳይክ ዐውቱ ብዕዳም አንፋር መታካይ

10 ፍንተተ ርክብ



መዕሉማት

- ቺፓንዚ ለልትብህል ሐዋን አርወሐቱ ዲብ ምራየት ዶል ልርኢ ርሐ እግል ልፈርግ ቀድር።
- ጉማሬ ርሐብ ከንፈሩ 2 ሰድር እገር ገብእ።
- ዶልሬን ወሐት ምነ ውላዶም እብ ጥብ ለልዓቡ ሐዋናት እት ገብኡ፡ ማይ ላኪን ኩሉ ረአሶም ኢሰቱ።
- ናይ ሻርክ አንዶብ ምን ኣቻዮ ልተረድ።
- እት ዐለም ለትኬለመ ሐዋን ጭንጫይ ቱ፡ ሰበቡ ህዩ ህቱ አመል ናይ ርሰሐት ቡ ምን ርሶሕ አማክን ለትፈናተ ሕማማት ለአግዕዝ።